

寨及附近山苗萬餘人拒廣泗廣泗令黎平副將趙文英遊擊周豹攻二寨破之復令黎平知府張鉞平越遊擊向之榮貴陽遊擊史應貴各率土漢兵護芻糧進屯岑隴古州故分上中下三保諸葛營在其中廣泗入據之諸苗見廣泗皆驚曰諸葛營老子復至矣相率羅拜獻酒食降又值科場屆期將回貴陽監臨咸與招撫令文英鉞統兵駐諸葛營而還鄂爾泰謂諸苗未經懲創終爲後患廣泗謂古州車寨諸苗已恭順如內地副將趙文英亦言之鄂爾泰回雲南復書曰愚非好殺但恐今日不殺少後日將殺多如

貴陽府志 卷六十五 總部政績錄卷六之四 八

果恭順何須加兵其餘不恭順者則無姑息也後果復叛八月廣泗進嘉禾十一月清江苗雞呼黨諸寨復叛官軍討之語具蘇大有及宋厚錄廣泗奏洪番長官洪國兆抗違不法請革職改土歸流移長寨參將于廳城十二月古州來牛定旦諸苗作亂貴州兵會廣西兵討之八年三月來牛定旦苗平語具孫紹武錄建古州城於諸葛寨五月古州三保苗叛官軍討之古州之上中下三保初從來牛定旦叛後雖受撫而心懷觀望以爲大軍必撤彼仍得以自恣及聞諸葛營建城下保之車寨苗最險請拒大營僅脫

水中保之口月寨頭藏弩龍早諸寨苗素凶悍爲山苗渠魁遂相結作亂殺通事黃永吉及漢民姚宏才以滅口苗光坡牛圈八仔諸寨皆應之謀於十五夜焚劫大營利洞頭人靳瑞林因把總徐祺生以告十四日副將趙文英議進勦時都江暴漲江中僅渡船二古州同知滕文烱集新撫諸苗船六十餘覆以板維以大繩夜半成浮橋五鼓濟師參將施善元率守備侯宏道張煥等趨永鎮關爲夾攻計趙文英及慶遠副將潘紹周分兵抵中保攻口月寨頭江墨等寨苗以河水阻隔懈於防守突聞官兵至多驚竄官兵

貴陽府志 卷六十五 總部政績錄卷六之四 九

焚其巢擒首惡誅之餘俱繳械受撫六月初七官軍分爲二路攻未服諸苗文英紹周由右路搗龍早善元應貴由左路攻黨祥兩路皆絕險賊又伐大木阻截之官兵緣山澗仄徑騰蹕而入大搜賊巢俘馘甚衆禽苗人老戛則車寨前往助逆者也十二日攻車寨車寨徹夜防守夜半聞繞寨馬蹄聲三視之皆寂然及五鼓甫就寢而官軍入賊衆亂無拒敵者官軍縱殺自卯至巳斬首千餘級就縛者三千餘人獲子母大砲十二火銃長桿刀弩盔甲無算梟其渠魁餘皆釋而遣之自是三保諸苗無不裒服矣同知滕文

烟因勢招撫者百餘寨三保苗皆平來牛定且請市復叛詔具孫紹武錄

詔處分安捕土司不善官員七月古州總兵蘇大有迺鎮

討來牛定且苗遺張鉞招撫下江苗九月來牛定且

平古州滾縱諸苗復叛大有討之破其十寨諸俱具

大有錄十月大有卒以副將董芳署古州總兵討滾

縱未服諸苗十一月廣潤官上下兩游新羅綿延二

三千里生苗獷悍聲教不通宜設義學以漸化導於

是立古州義學二大小丹江八寨清江舊施秉安順

之擺貢鎮甯之威遠汎各義學一永豐冊亨羅解亦

貴陽府志

卷六十五

總部職績錄卷八之四

十

各設義學十令永豐教官董率數年之後每學取進

一二名副將趙文英潘紹周各率兵千餘進攻滾縱

十七日抵其寨設伏以待賊兇大營為伏兵所擊走

官兵遂北經喬扣養黨碑尾數寨皆縱火焚之賊遁

土壘壘土為牆又踞俾賴集加頭邦受高鳥數十寨

出堅壁自守官兵累攻不下芳調定且兵千人使守

備殿起龍將之十二月初八由古州進援適總督鄂

爾泰遣官賈賞至營宣布

上意密示方畧將士愈鼓舞分道進取設伏先剪其外援

文英攻其前紹周攻其左賊分二路拒敵自辰至未

二路皆披靡遂破土壘漢宗十二寨咸懼兵威與俾

賴加頭等數十寨匍匐乞降文英等撤師歸古州來

牛諸苗叛來牛苗結帥車革招排常排怪柳排諸寨

將犯軍營十一日副將卜萬年遣馬允升姚宅中沈

宏謨等相機勦撫帥車諸寨皆畏服革招來牛排

怪三寨負固初糧道兼理貴東至是以苗疆需大員

彈壓廣潤遂請設貴東道轄平鎮思銅思黎都八府

改大定州為府威甯府為州隸大定設貴筑典史及

長寨守備署減長寨兵益歸化營又奏把平長官蕭

來鳳稟報不實與虎墜長官宋瑞麟皆革職改土歸

貴陽府志

卷六十五

總部職績錄卷八之四

十一

流以虎墜司地為巴香里隸貴陽建柳羅稿貢二汛

土城九年正月卜萬年等分兵攻勦革招來牛排怪

三寨賊遁匿深箐萬年焚排怪宏謨破革招獲賊首

阿屋解大營梟首時當春耕眾苗因千家革維布養

三寨求撫於是革招百餘寨咸繳器械受約束四月

邱車寨復叛趙文英等以兵攻之獲賊首阿桶斬之

又獲高孛定且等十八人檻送古州梟其首於是來

牛定日皆畏服而上江底定七月古州下江諸苗平

使按察使張鉞疏都江河道語皆具張鉞錄奏以古

州上江百有八寨為都江廳設都勻通判駐之設上

江副將一遊擊一守備千總各二把總四兵九百六十廳標把總一兵百駐城中又於其境設打畧汛守備一把總一兵百五十拉纜汛兵三十隴寨汛兵三十柳壘汛兵三十又設獨山州三角里汛古州設入期汛千總一兵百定且汛遊擊一千總三兵百五十皆隸上江協築打畧定且入開古州之滾縱王嶺小都江嶺買在松高表入寨丹江小丹江雞講十三汛土城改撫標左營遊擊爲參將從之南籠黎平未設考棚生童應試皆赴鎮遠安順自開泰天柱改隸黎平應試生童幾二千人自黎平赴鎮遠計程五百六十

貴陽府志

卷六十五

總部政務第八之四

十一

里生童苦之永豐距南籠計程四日生童赴南籠府試又赴安順院試遠至十餘驛南籠普安州及普安安南二縣距安順皆三百里以外亦以赴試爲苦紛紛赴訴廣泗奏請各設考棚其資費皆生童自捐從之貴陽以西兵少而徵米多平越以東兵多而徵米少其兵糧取給於貴陽諸府以路遠不能輓運令民折價完納貴陽米價賤兩石之值始能拆一石而所折之銀不能敷平越諸府一石之值軍民皆不便十年二月廣泗請令平越石阡銅仁思州思南鎮遠黎平地丁皆以米拆每石自六錢至九錢不等又言

南水江及都江爲黔楚粵三省通流應設哨船連絡古州爲鎮兵所駐積貯最要請分別營貯米責成同知通判縣丞經管文武各官三年俸滿即與保薦以示鼓勵苗疆通事分別勤惰即予養贍並授以土外委把總劄記合宜布條約化導苗民下部議皆從之叙勳撫功加廣河騎都尉世職時準噶爾擾客爾喀遊牧大將軍岳鍾琪率師赴西路自巴里坤移軍木壘

以廣泗用兵識機宜四月

命入京請訓授爲副將軍以元展成爲貴州巡撫六月

貴陽府志

卷六十五

總部政務第八之四

十一

泗至京七月赴軍營劾岳鍾琪

命護大將軍印尋仍爲副將軍十一月授正紅旗漢軍都

統留軍營十三年正月準噶爾乞和

召廣泗還七月授湖廣總督古州台拱諸苗復叛

命刑部尚書張照副都御史德希壽楊威將軍哈元生副

將軍董方討之照言新闢苗疆宜棄請招撫廣泗問

之忿請華職赴軍營之功噴罪

上不許八月

高宗卽位以照招撫無效且與元生齟齬

上召照還京以廣泗總理錢糧賑恤軍馬事務尋授經畧

將卑哈元生副將董芳皆聽節制十一月十三日廣  
泗至鎮遠德希壽亦還京廣泗奏張照阻撓軍機置  
應辦之事于不理哈元生將各省官身由清溪已西  
上至楊老並由大路斜通新疆各營況處處防守愈  
多愈不足苗人乘隙出犯顧此失彼董芳駐守入弓  
數月不進以招撫為可了事附和張照與元生互訐  
軍旅機宜各行其意七省大兵雲集數月勤撫毫無  
端緒巡撫元展成賑恤難民條款紛錯官無所趨情  
難民苦於守候

論曰經理古州鄂爾泰獨任其事已後逆苗煽動

實陽府志 卷之五 總郵政續錄第八之四 十四

鄂爾泰料理不善遂解其任廷議新疆不可乘照

亦在列自請往黔及至軍中乃以密奉棄置之  
告將軍哈元生乖謬已極於是照革職元生芳皆降  
為提督聽廣泗委用苗無遠慮恃其寨大人悍勾結  
生熟苗一處受兵各處皆應援官軍以寡寡不敵往  
往為所敗又驅熟苗以擾內地故聲勢愈張廣泗與  
哈元生議以熟苗非首亂急之則為生苗致死暫撫  
之以離其黨生苗雖多皆恃賊首以為與援賊首聚  
九股清江間以三路攻之則諸苗各退守其勦莫能  
相救俟賊首平然後再勦附逆生熟各苗迨總督升

繼善新調四川兵三千至廣泗遣四川督標副將壽  
長貴州定廣副將會長治雲南騎兵參將哈尚德勦  
上九股廣西左江總兵王無黨貴州黔西副將康世  
顯勦下九股署台拱總兵紀龍為策應湖北襄陽總  
兵焦應林廣東惠州副將馬成林湖南九溪副將李  
椅貴州清江副將韓定國勦清江諸寨而自與董芳  
以共駐清江城十二月壽長會長治哈尚德破高寨  
囊嵩長坡掛丁空稗囊嵩交高船廠洞下諸寨獲賊  
首曾柳柱汪任保語具會長治錄王無黨紀龍康世  
顯以十一月晦率兵攻台拱寨廣西逆擊會唯千總

實陽府志 卷之五 總郵政續錄第八之四 十五

熊祿把總史能芳楊萬玉蔣可正曹廷棟俱戰死十  
二月初四無黨又遣兵勦有功加李林王三寨騎兵  
頭目陳應富陸洪禮先登入其土城守備董正坤揮  
兵上奪賊二營守備郭乾奪賊一營遊擊張接天奪  
賊二營遊擊羅秀玉奪賊一營初十日無黨龍世顯  
自督兵奪賊十三營賊乃潰盡破其寨斬首千有三  
級獲其鎗械穀米馬成林柳定國以兵勦雞羅尾苗  
賊築城於三關口以拒之成林偵城中賊僅百餘潛  
兵襲之連奪六城賊皆遁少頃賊數千至城林與  
都司王之臣左右擊之焦應林遣參將溫朝宰赴成

林軍柳定國亦至會兵擊賊賊敗入善應林等以首  
惡在雞擺尾欲攻雞擺必先除雞右以孤賊勢乃督  
兵至歹濃山焚其營二十餘破雞右上下中下三寨十  
三日復分兵為左右翼進攻雞擺尾賊不能支棄寨  
走定國復取雞擺李椅取雞呼黨賊俱遁入善前後  
斬首百八十餘級禽男女百七十餘獲其牲畜器械  
連湖廣提督董芳入京苗賊圍諸城汎者聞雞擺尾  
雞呼黨雞右烏溜破皆懼紛紛投降廣泗以諸苗屢  
次報亂非痛加勦除新疆終不安靜乾隆元年正月  
廣泗自清江巡視雞擺尾台雄空裨軍使總兵焦應  
實陽府志

卷六十五

總兵劉德第之四

十六

林守雞擺尾副將壽長守空裨遊擊尹承宗守白雄  
搜勦未盡餘賊遂移次凱里分兵二路攻高坡使都  
勻知府宋厚監副將馬成林李椅柳定國為左路鎮  
遠知府劉柟監總兵王無黨副將康世顯為右路以  
兵三路攻丹江副將曾長治由空裨遊勦大丹江之  
烏堯防里諸寨為左路守備吳仕佐勦小丹江之烏  
疊雷神諸寨為右路乘將哈尚德馬世祿由雞講進  
勦大丹江之桃繞雞勇諸寨為中路檄遊擊李元昌  
先攻山苗使彼不能救緩川北總兵王廷詔以兵  
千至廣泗合赴哈尚德軍助勦又以二路攻古州苗

令古州總兵韓勳由洞洞出至色高州總兵得行義  
由滾縱進擺弔二月

上以

張照哈元生董芳各持意見由於事權不一合軍營  
員弁皆聽廣泗遴選如不得人咨總督尹繼善題補  
哈尚德吳仕佐會長治馬世祿克上桃繞中桃繞下  
桃繞雞勇皆騷蕩黃茅交霜蜂塘東仰枯桶鳥稍  
烏疊防里馬家雞勇抱得烏溜諸寨詔具哈尚德錄  
延詔以兵駐丹江尚德與馬世祿攻克趙革排老蓮  
花榜烏榜密諸寨降鑄坳支丹諸寨詔具尚德錄別  
由王無黨康世顯克交上宋厚馬成林李椅柳定國  
實陽府志

卷六十五

總兵劉德第之四

十七

克烏羅反牌二路合軍攻克交工四寨並克汪汀  
過趙甲南豆南工互賴烏西烏熙交包昂昂昂連諸  
寨詔具宋厚錄入寨遊擊李子昌克擺調方勝諸寨  
禽賊首阿扛廣泗使遊擊王先營擺調會長治克丹  
江廣泗令都勻知府孫紹武監長治李子昌王先上  
江協王耀祖勦山苗克之詔具孫紹武錄譚行義克  
擺弔烏婁二寨韓勳克扣里洞里羊弔諸寨俱有斬  
獲二月高坡丹江山苗賊稍盡三月廣泗調兵圍牛  
皮大善善在新疆之中綿亘數百里丹江雞講在其  
北古州上江在其南八寨九門在其西台拱在其東

北峭壁深林霧雨不開薄泥洗勝賊爲官軍所逼  
竄入其中是時清江白拱官兵營難花衣包朗洞淺  
縱官兵營羊色洞里總兵王廷詔營烏堯將哈尚  
德自烏堯過大營營番祥知府孫紹武副將會長治  
營加詔副將王耀祖營柳排凡出沒之路皆盡斷絕  
又遣總兵焦應林副將壽長營善外以防竄逸圍十  
餘日賊無所食多餓死乃遣兵入搜又窮幽極險無  
不深入四月獲賊首包利往利哄銀三元阿苟阿臘  
才能老恨強銀堯撒汪隴帶麻阿扛包往由甘講翁  
苗轄子及其家屬徒黨俘獲者以萬計饑餓糜鹿死  
貴陽府志 卷六十五 總部政績卷第八之四 十六

九十餘級禽男女百餘人總兵譚行義遣遊擊王彭  
搜洞里善斬首三十五級獲男女三十餘人諸將搜  
善凡巖穴林木間往返三四無一人能匿藏廣泗又  
令罪輕諸苗得獻重犯自贖於是互相禽獲雖父子  
兄弟不能容隱首亂諸苗有彼此交縛乞降者有自  
盡者其凍餓死與墜巖死者又五六萬人五月十六  
日各善賊皆盡

進次清江以諸苗數年一反野性未馴而凱里黃平  
清平施秉熱苗向化已百餘年輒敢附逆不可以其  
貴陽府志 卷六十五 總部政績卷第八之四 十九

暫服而釋之除隨軍效力及大軍至而迎降應投獻  
宛納械諸寨不勦其稱僞官傳木刻攻城汎害兵民  
阻糧運乘機劫搶分首惡次惡脅從三等盡勦之令  
署提督王無黨營嚴門督凱里黃平施秉台拱軍務  
貴西道劉冉佐之以雲南永北總兵劉永貴督清江  
下江兩岸軍務貴東道宋厚副之各鎮協營俱分  
兩路進勦總兵譚行義總兵韓勳勦古州又檄都  
知府孫紹武監副將會長治勦入寨黎平知府滕  
烟清江通判蔡時珠永甯知州王遂清平知縣劉  
施秉知縣蔡謹曾定知縣楊造極隨軍勦訖俘囚

月初八總兵王廷詔遊擊楊厚澤馮志達都司張煥  
元自高坡移營通黎囊渴間沿菁窮搜斬首四級獲  
男女二人挑繞烏登諸寨爲丹江賊首餘黨廷詔遣  
參將馬世祿遊擊楊厚澤勦之斬首二百餘級俘男  
女三百十餘人丹江平總兵韓勳遣遊擊唐開中楊  
剛侯宏道等克月姑元寨八輪盤高定翁脚唐流  
九衣諸寨又克寨牙寨戶棉花新寨山苗諸寨斬首  
八百二十餘級禽男女小口六百九十餘黎平遊擊  
趙國儀克培耶斬牙南孟培半高苗巴王諸寨斬首  
六百六十餘級禽男女四百六十餘人總兵譚行義

貴陽府志

卷六十五

總制政務錄卷之四

平

遣遊擊張守鳳克擺列寨而自率王臣等克火燒仰  
黨喬扣三寨斬首百六十餘級禽男女百六十餘七  
月古州苗賊悉平提督王無黨遣參將張接天克台  
拱之革東都司馬國祚克苗江守備郭乾克方家寨  
初又魁克吳家寨又遣副將康世顯勦施秉苗斬首  
七十餘級獲男女三十餘人副將姜端參將陳有功  
克五岔斬首百九十餘級獲男女七十餘人世顯令  
都司馬國祚搜稿武焉斬首八十餘級俘男女八十  
餘進克岑邦又斬苗二十餘級遊擊尹承宗克凱里  
台盤打革弄寨獲合世柳諸寨斬首百餘級獲男

女五百六十餘人世顯克黃平之革夷諸寨獲男女  
六十餘人進克望虎稿貢諸寨斬首二十餘級禽獲  
三十餘人無黨檄遊擊重國棟克白壩龍塘二寨斬  
首四十餘級獲男女百七十餘人又檄副將姜端曾  
等克八梗舊丹二寨斬首二百六十餘級獲男女一  
百餘人進克陽調井干諸寨斬首百餘級知府孫紹  
武副將會長治克番仰番扛番甕羊擺卓烏號諸寨  
次入寨城又克牙門楊烏楊排諸寨斬首三百五十  
餘級獲男女小口三百九十餘人八月台拱施秉黃  
平凱里八寨苗賊皆盡九月清江總兵劉永貴克

貴陽府志

卷六十五

總制政務錄卷之四

民

道未厚副將馬成林柳定國哈尚德等勦清江兩岸  
苗賊盡平語具宋厚錄十月廣泗由清江巡視諸軍  
遍歷古州上江八寨丹江還次凱里諸軍皆凱旋行  
搜諸寨後官又攻克千二百二十四寨皆燬其室  
廬戮其丁壯俘其老幼闔寨不留一人其焚死與中  
鎗礮死及凍餓死又十五六萬其附逆小寨三百八  
十八合縛逆黨贖罪無敢留一人者計陣斬苗人萬  
七千六百七十餘級禽獲苗人二萬五千二百二十  
餘人其內受僞官者四百餘人從逆者萬一千一百  
二十人皆梟首軍營賊黨家屬萬三千六百餘人皆

充賞爲奴安插釋放者數百人獲鎗炮四萬六千五百餘長矛刀弩盛甲十四萬八千餘穀米牲畜牛馬無算苗人死者前後不下三十餘萬諸苗自明中葉以來毒連黔省二百餘年虜殺人民不知凡幾至是殺戮什之七八或數十百寨無一人其梟黠者悉皆就戮固天所以報其二百年屠戮之罪也鄂爾泰嘗曰數十年後無苗患始知鄂某之功其後果然十二月廣泗上捷疏且自効經理疏忽之罪致再動兵戈請奪世職乞處分

上以其調度有方不一載即奏膚功交部議叙加三級按

貴陽府志

卷六十五

總部政績錄卷之四

五

三策輕軍都尉世職又恐事權不一特置貴州總督以廣泗爲之仍兼巡撫事署巡撫張允隨赴雲南任廣泗又言

廷議以所添各鎮協營令再添兵臣查朗洞苗疆適中扼

要之地臣已請添一營設兵千名除分汛寨高柳拉外止存兵七百似覺單少宜於朗洞再添兵二百都勻府屬之荔波向隸廣西縣治僻處山隅未建城郭雍正十年始屬貴州地廣苗悍甚於新疆前議設兵六百亦覺微少宜再添兵二百台拱鎮兵原額三千今改鎮爲營裁汰過半止留千二百不敷分布且所

管高坡地勢深險宜添兵二百丹江額兵千有六百議止留兵千其地近牛皮大箐宜添兵二百古州都勻清江台拱八寨丹江各同知通判例於同駐官兵丙各撥把總一兵百名以爲親標既隸本廳又隸營鎮一兵兩轄勢難分身應役文武因此不和請將各廳親標弁兵悉還本廳別設千把一員募兵百名又奉

論

古添設古州巡道控制夷漢宜加兵備衛設標兵三百

守備千把各一各廳標兵總歸道轄已上所添之兵

合原添之數共三千名兵力充足可以無虞

貴陽府志

卷六十五

總部政績錄卷之四

五

廷議又駁臣議設郡縣謂新疆錢糧承免爭訟以苗例完結若設守令無事可辦徒費金錢新疆有巡道及同知通判足資料理但同通所駐均係嚴疆兼有監倉之責惟古州台拱設有佐雜其八寨清江丹江都江僅同通一員若因公出境遷陞事故辦公無人又朗洞地去古州地百八十里現設營之汛雖不設縣不可無文員協理宜將原駐古州之開泰縣丞改駐朗洞仍隸古州同知清江下河之柳霽爲水陸要區去清江城百有餘里前議於清江協撥遊擊駐劄宜設天柱縣丞一員仍隸清江通判古州兵糧悉資



粵米收貯及放不可無專員宜設一倉大使得辦黎  
平照磨改駐古州以供道廳指使清江宜設鎮總知  
事一員入塞宜設都勻知事一員丹江宜設清平主  
簿一員都江宜設都勻主簿一員以資佐理務波地  
域周迴千里止一知縣一主簿不敷辦里現擬選  
建城宜於舊縣設縣丞一員如此則要地不致缺員  
矣

廷議又駁臣以逆苗絕產安插漢民謂新疆苗深震  
懾兵威方始就撫若招漢民分種未免復起驚疑不  
若給駐守兵丁及兵丁子弟耕種既便稽查又資兵  
費陽府志

卷六十五

軍部奏請條陳之四

四

糧臣又伏讀

上諭謂招集漢民不若設屯軍無事盡力開畝有難就  
近抵禦兵數較多兵氣自奮且無添兵之費

聖慮周祥指示盡善但營汛兵有操練之責非若口外征  
兵駐守無事可屯田以資軍實也苗疆盡屬水田亦  
非塞外陸地易為耕種兵丁差操是其所長農畝之  
事多有未諳子弟能耕種者為數無多不敷分布惟  
有安設屯軍為不易之良規前督臣尹繼善因逆苗  
蠢動募新兵五千訓練已一年技勇嫺熟軍務告竣  
議令歸農臣與司道議於營兵子弟與新兵內招其

能耕種者赴新疆屯田如兵多田少又招年力精壯  
可充兵丁之人令其領種但屯軍與漢民不同漢民  
三時力治之外並無別事屯軍於農隙之時當令操  
練遇事調遣自應籌畫充裕庶無缺乏之虞查苗人  
所種水田上田畝收穀五石中田四石下田三石合  
計屯軍每戶或上田六畝或中田八畝或下田十畝  
所收穀米可敷一年之口食且苗人止知種水田山  
土悉皆拋棄令屯軍除不許侵占苗界外其餘附田  
山土任其墾種雜糧則衣食益裕屯軍初設棲身無  
所耕種無資不能不裹帶餘糧以俟收穫每戶宜給  
貴陽府志

卷六十五

總督奏請條陳之四

四

修房屋銀三兩牛種銀五兩再議給口糧秋冬應募  
者至夏收而止春夏應募者至秋收而止大口日給  
米八合三勺小口半之俾得盡力南畝以待秋成更  
宜選擇扼要地建築堡牆或用石砌或用土築官給  
工價口糧令屯軍自備庶幾聲勢相連田疇得收既  
有屯堡必須器械宜將苗人所繳兵器擇銳利者按  
戶給散以資操演又屯軍人數眾多不可無管束各  
省屯軍皆有衛守備千總而統轄於道府前明衛所  
有指揮鎮撫千百戶等官今雖不必其舊宜變通其  
意十戶立一小旗五十戶立一總旗百戶立一百旗

貴令約束稽查與營兵無異新疆有同知通判等官政務甚簡加以清軍銜使之兼管理屯軍不必另設守備宜於古州設左右衛千總各一清江左右衛千總各一合拱八寨丹江凱里黃絲衛千總各一專司屯種訓練同知通判董率巡道不時查驗俾技藝純熟有勇知方遇有征調按冊而稽一呼可集較之違調土兵奚啻什倍又苗疆既立屯軍應絕撥累以寓恤苗之意其就撫諸苗不宜與屯軍雜處酌給土田資生臣飭承辦道府分任各官相度情形將土田間雜處逐一區畫整齊凡已勦之寨投撫諸苗酌其人

貴陽府志

卷六十五

總制政績錄卷之四

兵

口多寡撥給田土安插量加恤賞務令屯軍與苗人田土山場界限井然以杜侵占則一勞永逸不復茲費矣又請建長寨倉疏入皆從之二年二月廣泗又言安順府向未設城守營請增遊擊守備各一遊擊駐安順府守備分防安順舊州定廣協向止都司宜增守備一千總二把總四大定協原設遊擊守備各一以所轄遠遠令遊擊分駐水城請改爲水城城守營設守備一其大定協不敷統轄增遊擊一以符原額平遠協向止都司請增守備一威甯協宜改爲鎮至黔省撫提標及各營兵不敷分布酌議共增兵二

千九百八十餘於是撫標增兵二百二十定廣協州守備一千總二把總四兵二百長界增兵百五十貴陽大定各增兵二百威甯鎮增兵五百黔西遊義安南增兵百黎平增兵四百平越永安各增兵百二十新添平伐各增兵三十普安增千總一把總二兵百二十七懷增兵百十二統計貴州原設官兵及新增官兵共提督一總兵四副將九參將七遊擊三十六都司十三守備五十二千總百二十一把總二百四十五馬兵四千三百九十二步兵萬七千五百六十八守兵二萬一千九百六十兵操馬四千六百七十

貴陽府志

卷六十五

總制政績錄卷之四

兵

二歲支武職俸薪經費馬乾及馬兵餉銀共入十萬一千五百八兩有奇米十五萬八千一百十二石貴州地丁除別項支給外僅止兵餉十二分之一其不足者皆協濟於湖南江西浙江廣東諸省初御史包祚永請安插生苗五月廣東總督鄂爾達請罷新額六廳屯田以給苗民

上諭廣泗之廣泗持不可卒行之於是新額九衛共設

堡百有九屯軍八千九百三十戶十月廣泗上布政陳光裕條陳苗疆事宜一伐山通道一禁巫師一從

容化得以變苗習

上稟納之貴州有驛二千三惟皇華驛有馬五十四夫二

十五名其餘諸驛皆馬四十五匹馬夫二十三各每

驛歲准報創斃七匹貴州雨暑不時創斃之數皆過

所限康熙時補買驛馬每匹銀二十九兩前野巡撫

石禮哈請照廣西雲南例減至二十三兩連年軍興

馬值昂貴司驛者多墊賂貴州諸驛各有站夫百名

夫日給米八合工食銀一分二釐馬日給錢四升料

銀八釐馬夫日給米八合銀一分六釐所給銀米僅

敷本身之口食不足以養贍家口皆不願應募官吏

貴陽府志卷之五

天

強之驛多有逃者銀米皆失有事仍僱雇募民夫每

名一日費至二三錢地多僻遠遇暑雨和寒仍多不

至又需增價雇募十名站夫之銀米僅抵一名之雇

值而地當雲貴二省孔道差務不絕官吏止圖集事

皆墊銀以雇夫遇解送協餉需夫馬動至數百官亦

不能墊於是派之民間名曰堡夫堡馬鄉村去驛遠

者往返需一二日民間出三馬三夫之費僅供一馬

一夫之用胥役亦間有需索郡縣恐需索過多計其

費而攤之於田畝於是正賦外又增一賦廣泗增皇  
華驛馬十匹夫五名各驛馬五匹馬夫二名馬日支

草豆銀五分俾其料數馬夫站夫日支工價銀四分

俾其糧米嚴禁堡馬堡夫三月正月又請設貴州僻

路鋪兵皆從之三月定番姑盧寨苗作亂四月廣河

調兵討平之語具哈尚德錄請設大塘州判制定番

之通州降陸上克度中克度下克度五里及程番章

番盧番上馬臥龍番小龍番羅番方番丹平丹行十

上司地之附近者隸之九月廣泗言黔省各標鎮協

營兵丁月糧每年例於各屬秋糧及改徵米內撥支

但州縣有糧多之處而駐防兵少又有糧少之處而

駐兵多者其不足之米不得不於米多州縣撥給而

貴陽府志卷之五

總都政務錄卷之四

天

黔省山路崎嶇兵丁不能遠領民苗亦苦挽運康熙

四十三年定例於秋收時令應撥應領之州縣營汛

各將米價報司道酌核多者稍減少者量加折中定

價造冊詳題令州縣照數徵解兵丁自行買食但米

折之銀具題後始行徵收秋冬應領者每查次年春

夏始能入手去秋成甚遠價值漸昂不敷買羅康熙

五十六年護巡撫白演請於藩庫借銀俟各營請春

餉時順便關領令州縣將米折還庫此歷年遵行之

例也夫折中定價兩地時值既有多寡酌數以給自  
有會減百姓按所增價完銀必浮於應完之數兵丁

按所減價支領必不能敷應領之實兵民兩困臣與  
司道商議自乾隆三年九月起所需月糧除撫標提  
標貴陽安順永安安南普安遵義平伐新添平越黃  
平天柱平遠黔西畢赤各標協營於本地秋糧改徵  
米內撥支食米茲波營月糧遵

旨按年支庫銀交本縣採買俱無庸議其安龍威寧鎮遠

古州大定定廣都勻銅仁清江丹江上江古州道標  
歸化水城長壩長寨獨山凱里黎平思南石仟仁懷  
朗洞各處除本地秋糧改徵米及楚粵協供外無開  
之年少米萬九千二百七十餘石有閩之年少米一

貴陽府志 卷六十五 總印政務錄卷之四 兵

萬七千二百六十餘石應照舊例於上游之開州貴  
遠清鎮安平鎮甯安南平遠黔西正安遵義桐梓綏  
陽各州縣支存餘米折中定價而米少州縣價每昂  
貴餘米州縣價每低賤往時米價不甚殊懸兵民雖  
不便亦不甚苦今各屬價每石自八九錢至二兩不  
等若照定價兵民之苦更甚於前雍正十三年乾隆  
元年蠲免錢糧二年又將各屬存餘米石徵收實米  
貯倉其不敷兵糧俱支庫銀照各營鎮協時價折給  
兵丁自行買食請自今年九月始兵糧有不足者俱  
照此例施行每年秋成之後會州縣會同員弁公同

查報司道核實造銀米細數冊詳題仍於各年奏銷  
案內分晰入冊報銷至開州等州縣俱有動支軍需  
及加貯穀折等項應採買補貯之米即將每年應徵  
折色米改收實米貯倉以抵買補之數俟倉儲充裕  
或照價徵銀解庫或徵實米貯倉再為定議如此則  
兵民兩益而倉儲漸充矣初前總督鄂爾泰請疎都  
江清江猶有險灘未盡整商船多不敢行九月廣西  
言貴州自鎮遠已上自昔不通舟楫商旅交困兵糧  
民食挽運惟艱清江自清勻經施秉舊縣至湖南黔  
陽抵洪江可達常德都勻自獨山州之三角壘達來

貴陽府志 卷六十五 總印政務錄卷之四 兵

牛古州抵廣西懷遠可達廣東實天地自然之利前  
議疏鑿以軍興中止險灘猶未盡平臣親察其宜修  
之處並鑿緯道募夫開濬以資挽運又言黔省向因  
糧賦不敷兵餉開十鑪鑄錢配放今營兵既增放餉  
更多錢價昂貴請更增十鑪以廣鼓鑄現有湯丹等  
廠銅礦甚旺可資接濟皆下部議行四年古州總兵  
韓勳言古州西北六十里有滾縱面臨都江背接牛  
皮大箐實為要隘請移王嶺汛守備於其地以資防  
守

詔從之九月請遷仁懷縣城於亭子界以遵義通判駐舊

縣城五年五月廣泗入覲以布政使陳德榮署貴州  
巡撫廣泗至湖南城步紅苗聚賢宇作亂討平之六  
年正月廣泗乞假歸葬

其父母祭一壇粟賢宇敗其黨懷遠苗石金元走聚

平黑洞以妖術煽洪州司南江諸寨作亂掠洪州  
司欲取府城署副長官林天錦奔府城白其狀府城  
戒嚴金元知府城有備移家城中朔長春諸寨潘黃  
上黃諸苗應之三月攻永從知縣張輯緒守備劉東  
昇棄城走城陷時知府孫紹武在省城總兵韓勳者  
署巡撫陳德榮以

貴陽府志 卷六十五 總督韓勳傳

聞

命廣泗回貴州討之廣泗奏請廣西提督譚行義協勦從  
之遂敗賊於紀南坡四月以貴州總督王無黨為湖  
廣提督古州總兵韓勳為貴州提督大學士鄂爾泰  
以無黨悉熟苗疆畱辦軍務韓勳率上江副將柳定  
國駐軍南江寨廣泗至貴州使知府孫紹武監其軍  
調諸軍進勦七月獲石金元戴老四送貴陽斬之從  
黨悉平廣泗以

聞且言金元係楚省逃竄逆苗投勦未盡自請處分

詔免之十二月無黨始赴湖廣任明年勦獲金元黨逸賊

聞

於是黑苗每一煽動九月貴州通志成廣泗之  
上命廣泗奏請築貴陽外城石為從之七年請以撫兵

百裁長恭打壤者百二汎湖廣總督孫紹武請設貴  
州兵米二萬石貴州饑廣泗請賑之九年孫紹武及  
古州城北隄十年裁平伐營廣泗以滇黔銅鉛山陸  
路轉輸費用浩繁鹽運亦從陸路多不便奏請紓理  
三萬八千四十二兩使大定知府王允浩疏赤水河  
上流鑿險二十七遵義知府陳玉璧疏赤水河下流  
鑿險險四十一於是四川舟楫可至仁懷之茅台村  
貴陽府志 卷六十五 總督韓勳傳

銅鉛皆水運尋以水運節省無多而溪流湍急舟難  
行仍陸運廣泗又欲疏烏江自思南至省城道官相  
度情形以平越府之震天洞飛瀑而下不可施工遂  
止十一年五月高廉道甘士瑋言貴陽規轄四司收  
米輸納艱難請仍收銀

下命廣泗察之廣泗言收米便事遂止十二年二月四川  
金川土莎羅莽叛

詔以廣泗為川陝總督討之罷貴州總督以其職屬雲貴  
總督仍設貴州巡撫以孫紹武為之十三年十二月  
以廣泗在金川久無功 債事又與經畧請現餉

詔選至京

上親執之以廣泗有功高欲厚之而廣泗供有不遜語  
命軍機大臣會同刑部議罪以失機軍機論如律

貴陽府志

卷六十五

刑

貴陽府志卷六十六

知貴陽府事壽和周作

知貴陽府事曹朱德

錄十三

總部政績錄第八之五

陳德榮

孫紹武

徐本

張鉞

方顯

宋厚

晏期盛

鄒一桂

陳德榮字密山直隸安州人康熙壬辰進士雍正時

為大定知府遷貴州按察使德榮性平恕察獄必委

貴陽府志

卷六十六

刑

一

曲詢其原由不輕用刑剖斷明敏受罰者皆自謂無

冤郡縣獄多所平反奸軌不敢飾情皆避去貴州民

歌之曰不怕不明上有陳君不怕不公上有陳翁十

三年新疆苗亂而貴陽外城見民驚恐幾內潰德榮

詳于巡撫元展成築石城嚴守備民心始定乾隆四

年遷布政使德榮不樂泫然流涕曰藩司官高與民

隔絕民間疾苦多不得聞矣時新疆六廳苗經懲創

後苗畏漢民如虎稍阿斥即自盡德榮嚴斥漢民之

強暴者作教條以開示苗民苗始安苗民多獲悍不

知詩書德榮于苗疆立義學二十四所選生員之有

文行者教之於是生苗始知誦習又以貴山書院經費少屬員捐俸以益之諸生有貧者由加周恤貴州民不知築堰之利水所不能到者率棄為曠土德榮請借帑委官開溝渠低者築堰以壅水於是貴陽之定扒寨貴筑之郝官堡開州之羊場壩威甯之稻田壩餘慶之正官堰施秉之瓦雀河皆開渠築堰墾田并科者三萬六千餘畝米價頓減養濟院人有定數鰥寡孤獨多不能收德榮籌畫開項以資之無告者得所養歲時節序給以酒肉又于冬月製棉衣被以給獄囚民貧不能育子女者多棄于路德榮多顧

貴陽府志

卷六十六

總部政績卷之五

二

乳母于育嬰堂以養之給以餅餌衣褥每月親視其肥瘠加以賞罰又設棧流所于東嶽廟後以醫行旅之病者死則給以棺槨修施秉之偏橋及畢節之七星橋以易以石貴州民不知蠶桑絲綿悉從他省德榮育蠶畧中出其繭于大興寺以教民繅織又以歷城陳玉鑿知蠶桑薦為遵義知府玉鑿履任遣人至山東售山蠶種且雇蠶師至湖南輸出蠶不成復遣人往山東售蠶養于城西小邱獲春繭分附郭之民以為秋種秋日烈民不知避成繭者十無一二次年鄉人不諳薪蒸之宜烘之烈蠶未成繭皆發病死竟

斷種玉鑿復遣人之山東且以織師來甯成則收之民有未諳蠶事者親教之授其利柄又明年蠶大熟乃遣蠶師分教鄉村收繭既多玉鑿以子白田壩築舍選民之巧者命織師教之繅煮登織公事暇王鑿親往指示其不解蠶事者教成玉鑿遍諭鄉里所教之數十人輔相教導授以蠶種及資本器具民爭効之又明年民間獲繭至八百萬于是遵義民莫不知育蠶其細遂遍于天下五年五月總督張廣泗入覲德榮兼護總督印六年二月廣泗回貴州德榮復視布政事八月貴州米價突起斗至銀三錢民多不

貴陽府志

卷六十六

總部政績卷之五

三

舉火有餓死者德榮詳于總督廣泗奏請令州縣公捐米以賑之大口日給一升小口半之詔以所奏非是其發銀以賑之時湖南廣西亦饑貧民多移于四川路過貴州資不給有死者德榮使思州石阡二知府及遵義通判各于其地賑之死者給以棺槨十一月二月德榮去任民多流涕送之立生祠于雪崖洞貴州布政使自雍正八年鄂彌達去後滿洲常安繼之常安以十二年去山西代州准光裕繼之光裕以乾隆四年去德榮繼之德榮去愛必達繼之孫紹武漢軍正紅旗人以監生起家雍正初授五屏

知縣五年黎平謬衝花苗作亂從知府張廣泗討之  
有功遷銅仁同知尋降獨山知州七年十二月古州  
來牛定且二寨以諸苗叛二寨地廣人眾在諸苗中  
尤爲兇悍時總督鄂爾泰遣官修都江綽道二寨以  
綽道成官兵可以出人不利于已乃誘合革招革雄  
搖排搖晒擺調方勝諸寨數十以阻之副將趙文英  
遣土舍林天錦吳和禱招撫之和禱爲所殺文英請  
益兵堵禦鄂爾泰奏請討之且謂都江一水在古州  
諸葛營之南由諸葛營西泝流爲上江可達都勻東  
沿流爲下江可達廣西柳慶濱江山洞諸苗多未歸

貴陽府志

卷六十一

總部政績錄第五

四

服非用粵兵協勦難以開通乃調粵遠副將潘紹周  
永甯叅將施善元各率兵由沈口進以慶遠知府徐  
嘉炎監其軍會文英軍泝都江而上以通水路使紹  
武及都勻副將卜萬年率兵由三足壘取來牛以拒  
上游又調桂林副將董芳以兵由荔波三洞至平宇  
以爲聲援八年正月紹周善元先後抵諸葛營文英  
以二十一日往攻定且兼程進據其後山賊施鏡礮  
以擊官兵官兵進敗之奪其大礮銅鼓鐵甲焚其巢  
諸苗皆竄入林谷自都江至平宇沿河四十餘寨皆  
震懾來降羊翁羊邦十餘寨亦乞撫有八飛者陽就

撫而陰謀攻官軍總督鄂爾泰巡撫張廣泗檄紹武  
同萬年芳及守備馬允升合兵進勦隴寨二月十四  
日紹武同萬年等抵隴寨前山賊蟻聚都江兩岸大  
謀犯官軍紹武以官軍爲正士兵爲奇張五路以分  
賊勢自寅至未礮殺數十人賊始退保寨中紹武同  
萬年等督兵進攻奪賊船以渡直逼寨門銃礮齊發  
賊不能支從後山遁遂破其巢二十一日移師攻入  
飛賊伏箐以伺官軍搜箐斬數賊餘皆遁于是布養  
豐柳擺勞諸寨咸乞降願納糧應役而來搖排搖晒  
革招革雄諸寨復聚截河道以拒官軍且期是月

貴陽府志

卷六十二

總部政績錄第五

五

二十五日合攻大營紹武偵知之令千總楊剛等以  
兵七百伏來牛南岸下流戒之曰聞礮而動明日食  
時賊果聚北岸呼聲震山谷紹武萬年率守備殷起  
龍馬允升由南岸迤邐而前口中見官軍無後應  
遂渡水衝之礮聲起伏發賊不知所爲俘斬與溺死  
者不可勝計遂移營平定山議勦革招老彌諸寨而  
文英善元亦自定且來會次日紹武以兵二千餘分  
道攻革招苗營山箐中大虞官兵遽至及官兵擊賊  
逼寨門乃大驚空寨而逃官兵焚其巢分道搜箐俾  
爽柳疊平甲排吉諸寨皆刻木乞降三月初七攻老



家破之搖排搖相率請門降又降乍冷  
有厄數高誘寨二十三日師集于來牛凡要害處皆  
分兵防之紹武萬年防來牛遊擊約防定且守備  
高本陽防寨北守備張鳳翥防八開遊擊約防都  
江文英紹周率所部回古州築城于諸葛營五月古  
州三保苗叛六月文英紹周等討平之詳具張廣泗  
錄而來牛寇且復叛初二寨雖已安營駐兵而上江  
山苗數十寨惟調方為強革招心冷急衣即車  
有已有厄誘冷硬烏泥雅斥諸寨皆後屬之來牛  
定且餘黨誘之作亂從之遂奪柳壘隘口劫糧運謀

貴陽府志

卷之六

總部政績錄卷之五

六

犯新營柳壘隘口者上江之咽喉運驛郵所必經  
也紹武聞警檄各路官兵合勦並調八寨及爛土普  
安二兵于二十九日集拉攏遼紹武及萬年以兵直  
趨柳壘賊見官兵眾不敢出惟于柳壘北岸以火銃  
擊官兵官兵擊賊遠之賊潰散于是柳壘不失而糧  
運復通七月總兵蘇大有赴鎮討之而滾宗諸苗又  
叛語皆具大有錄十月大有卒巡撫廣泗奏以廣泗  
古州總兵討之十二月滾宗平語皆具廣泗錄紹武  
及萬年等乃撤師歸乾隆元年四月從經略張廣泗  
勦古州台拱諸苗餘黨廣泗奏升紹武為都勻知府

時遊擊李于昌已克擺調方勝廣泗令與會長治王  
耀祖合兵而使紹武監之以勦山苗耀祖與守備姜  
諧五克交加與長治合軍攻克喬港兩跨趨坡罷保  
羊烏諸寨又監長治軍勦入寨番扛諸寨語具張廣  
泗錄九年遷貴州按察使十一年十一月總督張廣  
泗以紹武悉熟苗情且征苗有功奏遷貴州布政使  
十二年十二月總督廣泗去任仍改貴州總督為巡  
撫以紹武為之十三年紹武去愛必達繼之  
徐本浙江錢塘人吏部尚書潮子也康熙五十七年  
成進士改庶吉士散館授編修雍正元年修

貴陽府志

卷之六

總部政績錄卷之五

七

聖主仁皇帝實錄館本充纂修官四年署

日講起居注官五年提督貴州學政尋授贊善遷侍讀  
六年疏言各省府學皆從州縣撥入惟黔省別有府  
籍額多濫充請已後府籍佳卷不足宜于州縣生童  
內酌撥又學臣去任時不許諸生請給頂戴用防冒  
濫府州縣考取代書禁劣生色攬貢監歸學臣約束  
捐納者由地方官造冊申送有但求榮身不思應試  
者于捐後文結內註明讀書買易錄科照冊查對以  
杜頂冒下部議行七年遷貴州按察使八年調江蘇  
尋遷湖北布政使十年擢安徽巡撫十一年七月遷

右都御史十二年正月九

經筵講官三月擢工部尚書十月協辦大

十三

年正月光文穎館總裁八月

高宗即位十月調刑部尚書

命協辦總理事務乾隆元年三月充律例館總裁十一月

授

東閣大學士兼禮部尚書充

世宗憲皇帝實錄總裁官二年十二月直

南書房尋以協辦總理事務議叙給雲騎尉世宗三年

命軍機處行走四年正月

貴陽府志

卷六十六

總師續編第八之五

九

命紫禁城內騎馬五月加太子太保律例告成議叙加三

級七年兼管戶部尚書九年六月以病解任加太子

太傅

命在籍食俸十二年卒

賞內庫銀千兩辦喪

命浙江巡撫顧琮往奠

賜祭葬謚文穆二十二年

命入浙江賢良祠五十一年

命入京師賢良祠

國朝貴州按察使始于山東張惟養推養以順治十

六年任十八年去山東諸城王鎮繼之鎮以康熙二

年去河南禹州彭而述繼之而述有錄而述以三年

去河南洛陽張彥珩繼之彥珩以七年去奉天蘇宏

謨繼之宏謨有錄宏謨以七年去奉天張文德繼之

至十二年吳逆陷貴州不設按察使十九年

大兵復貴州以奉天李輝祖為之輝祖以二十年去

奉天李國亮繼之國亮以二十二年去山西高平張

旌繼之旌以二十四年去奉天李之粹繼之之粹以

二十六年去奉天曹熙衡繼之熙衡以二十九年去

湖北漢陽項一經繼之一經以三十三年去滿洲丹

貴陽府志

卷六十六

總師續編第八之五

九

達禮繼之丹達禮以是年遷布政使明年陝西臨潼

任淳風繼之淳風以三十六年去安徽潛江莫之翰

繼之之翰以三十七年去福建莆田吳應麟繼之應

麟以是年去福建莆田彭鵬繼之鵬

國史館有傳而於貴州無事蹟可紀鵬以三十八年

去奉天何顯祖繼之顯祖以四十二年去奉天管竭

忠繼之竭忠以四十四年去滿洲阿琳繼之阿琳以

四十五年去山東諸城李華之繼之華之以四十八

年去奉天李錫繼之錫以五十一年去順天大興李

世仁繼之世仁以五十五年去山東諸城王沛檀繼

之沛惶去陝西涇陽申大成繼之大成以雍正四年遷布政使滿洲富貴繼之富貴以是年去滿洲赫勝額繼之赫勝以五年去吳廣泗繼之廣泗遷巡撫本繼之本去張鉞繼之

張鉞山陽人以舉人起家雍正五年授惠州知府調黎平知府八年遷貴州按察使時古州諸苗叛鉞同蘇大有以次討平來牛定且三保滾宗上江諸苗請具蘇大有孫紹武錄同知滕文燭往招下江苗下江視上江頗恭順惟滾塘才瓦二寨頗頑梗加的窮附之遂拒文燭不納九年六月巡撫張廣泗使總兵董貴陽府志

卷六十六

總部政績卷之五

十

芳率副將趙文英潘紹周參將施善元以兵討之抵蘇洞洞高峻無路可入文英鑿梯而上過才焉賊聚林之善元手刃二賊官兵斃賊並殺數十人斬賊首老門等三人苗眾棄寨遁分兵勦加的苗亦遁時大雨數日苗眾遁者皆竄伏山箐不能堪蘇洞苗民老巴率內滾塘入寨外滾塘方察赴營求撫雨霽發土漢官兵搜勦逸賊才瓦加的及高麻十八寨黨牛加耳十九寨俱赴營繳器械降七月十一班師回古州廣泗遺鉞及文英結周勦上下江河道自上三足至至三洞下自諸葛洞沿洞階其險難關其

沙磧伐其山林鑿其怪石於是郵傳無阻而舟楫遂通柳州十一月鉞去以平陽張體義繼之體義以一年去方顯繼之

方顯湖南巴陵人以歲貢起家雍正中授鎮遠知府時總督鄂爾泰巡撫張廣泗招討諸苗八寨丹江皆已服七年二月鄂爾泰至貴州使顯招撫清江清江為黑苗所居以上下九股為門戶入寨為藩籬與施秉舊縣接壤明萬曆時結播州楊應龍為亂大肆焚掠順治十六年殺施秉知縣趙玉奇鎮遠黃平居民悉遭蹂躪遷施秉縣治于偏橋以避之後稍斂戢而貴陽府志

卷六十六

總部政績卷之五

十一

時剽掠行旅清江上通都勻重安下通黔陽舟楫往來較澗水為便而商賈畏苗賊不敢行廣泗使副將張禹謨以兵從顯親歷諸寨宣布

皇威下九股相繼就撫上九股初恃丹江鷄講為援聞雞講平亦相率就撫顯次第稽其村落戶口而編管焉抵清江柳羅柳受諸寨爭先降附江外有公鵝苗與柳利雞呼黨雞擺尾白汗白索十餘寨素相連結漢奸從而嗾之曰若歸漢官彼且重賦役以魚肥我不如結黨固守官兵遠來彼勞我逸彼餓我飽與之相持可以坐困即相攻助方禦之亦可圖存於是時顯

及禹謨駐兵柳羅賊探其兵少即渡江攻之鄂爾泰  
聞變調諸路兵從巡撫張廣泗以進六月廣泗討平  
之詔具贖泗錄使古州總兵蘇大有同顯經理其事  
十月總督鄂爾泰使顯疏清江河道設貴東道駐鎮  
遠府以顯為之十年遷貴州按察使九月總督高其  
倬巡撫元展成使顯城台拱貴東道黃世文佐之又  
使總兵趙文英以兵二千五百護行定廣副將曾長  
治佐之九股苗叛圍之九股居台拱初止九人子孫  
蕃衍分為九支故曰九股近丹江者曰上九股近施  
秉者曰下九股寨衛人衆土沃性悍明季屢征不克

貴陽府志 卷六十一 總督張廣泗公之五 十一

本朝定鼎初猶竊發康熙辛酉大師整旅貴州始歛  
跡然以強凌弱自相仇殺屢世不休雍正四年噶覺  
番隴諸寨夜犯施秉劫琵琶洞石溪諸處發鎮遠兵  
勦之顯之招撫清江也九股亦聽命至是以苗未經  
大創慮有及側議于台拱築城設兵鎮撫之且為丹  
江清江掄角聲援而固施秉鎮遠藩籬八月顯由施  
秉稿貢進次排畧各分兵防守旋抵台拱經畫既定  
工方興歐家壘引養翁市界桃賴諸寨議曰官兵定  
居于此我豈必不便請苗以眾寡不敵壘引寨曰吾  
東連高坡南約丹江多備老虎漢必能取勝老虎漢

者苗之敢死士也遂傳木刻刊牛營衆上九股三十  
餘寨下九股四十二寨高收三十餘寨皆為苗惟在  
濃台拱稿貢三寨不從時秋禾遍野苗偽為本順日  
夜刈禾不息及農以畢築城僅數板而苗預九月初  
六夜各苗俱集殺通事郭英歐玉勝及商民數十人  
初七晨犯大營外委張璧戰死文英攻羊翁寨把總  
劉鳳林戰死急調援兵並檄稿貢兵進援排畧時排  
畧被圍不舉火者三日長治以兵五百往救鎮遠援  
兵亦至大破賊火其寨拔營歸台拱排畧為台拱咽  
喉相去十五里守兵僅二百人苗圍三日不能破解

貴陽府志 卷六十一 總督張廣泗公之五 十二

圍後益以長治兵與大營相犄角糧運可以無阻顯  
及文夬遠令拔營歸台拱賊復據之糧運不通守備  
高本陽戰死初十日巡撫展成聞警檄各處官兵赴  
援撫標遊擊馬世龍先發平越遊擊羅資袞督輜重  
隨之將抵排畧伏賊突起資袞戰死似龍退守稿貢  
顯發兵接應不能達把總王朝傑死之黔西遊擊馬  
騏提標遊擊王友文遵義遊擊吳朝貴先後以兵至  
各持異議莫敢先發時提督哈元生入覲巡撫展成  
攝提督嚴檄四將赴援而賊堅守大關不能進又委  
大定副將楊馥為總統馳赴台拱解圍六至文英攻

市界寨僅焚苗屋數間千總蘇成鳳把總徐三錫唐  
起鳳戰死方苗之圍營也軍糧僅支二十日官兵吸  
湖特援至是糧盡軍中皆懼顯曰初人九股張禹謀  
欲用台拱在濃余力阻之二寨感慰誓不反易與謀  
之遂召二寨議薪米價并米銀三錢束薪一錢牛羊  
價數倍二寨皆諾軍糧少濟未幾賊知以糧濟我將  
屠二寨二寨懼不敢以薪米至十月初九日楊馥至  
見大關山高路險賊壘石以守馥曰此可以夾攻破  
也十二日令馬騏王友文從旁抄出賊營而自領兵  
前進士卒有懼色馥曰孤軍忍饑待援若後誰肯  
貴陽府志

卷之六

總部政績錄卷之五

五

當先者遂舍騎抽刀徒步陟山巔天未曙賊方睡聞  
官軍至皆驚潰馥殺傷無算追逐至壘石下賊伏草  
中以銃擊馥中左肋馥猶揮刀前進不數武而仆眾  
皆潰馬騏等不敢進依山為營馥賊所因三日水絕  
士卒餓渴棄軍械從間道歸賊盡收之勢愈熾遂由  
稿貢犯下乘督糧知府滕文炯甘士琇率兵渡河擊  
敗之生禽六人又於草中獲二十餘人俱梟示河干  
自是平兆景洞諸苗始有懼心方楊馥之戰死也賊  
被馥遂殺召尸而歸者踵相繼在濃台拱復以軍糧  
濟顯軍左江總兵霍昇署提督印方履任即兼程赴

援與黔西副將康世顯撫標參將馮茂先後至十一  
月朔苗賊由偏寨平關渡江犯施秉縣城官兵擊卻  
之而賊勢愈甚遠近諸苗觀望台拱在濃又不敢以  
薪米至為孟番招諸苗夜築土牆阻台拱後山樵汲  
路文英屢攻不克千總黃昭戰死顯軍掘草根而炊  
文武官兵日食米不及二合不能支欲移營就糧顯  
文英曰

國家新疆尺寸不可棄吾輩當以死守知府劉柙同  
知宋厚皆和之適巡撫展成檄至諭以援兵即日集  
勿移營眾始定十一月十二康世顯馮茂自下乘煙  
貴陽府志

卷之六

總部政績錄卷之五

五

千翁連營三十里顯知援兵將合密與文英計使千  
總李勳夜以兵繞出後山文英長治攻其前賊懼棄  
營走遂破井底烏孟二寨獲其米穀軍糧少濟十五  
日賊聞援兵將至皆解圍去閱二日凱里都司侯宏  
道以兵至墨引歐家市界桃繞桃賴各苗俱遠遁文  
英率兵火其寨又攻南世桐木諸寨殺賊數十獲其  
米穀牛羊京師聞楊馥敗議者多欲棄新疆

上與大學士鄂爾泰持不可

命提督哈元生回貴州討之十二月元生里貴州仍留  
昇總統諸軍

上諭以九股頑苗未懾以兵威是以敢行悖逆宜痛加懲勦使之畏服則可以一勞永逸

命湖湖南兵二千廣西兵千八百赴貴州會勦于是湖南

副將母椿齡何勉廣西副將王無黨各以兵至元生

偵賊匿高坡欲分兵五路同進會大雪乃止十一年

正月八日廣西遊擊許應虎自清江攻克烏瀾殺賊

數十生禽十餘人顯獲賊謀知賊匿山中康世顯以

兵勦之獲苗十三人守備蔣秉忠戰死元生乃發兵

勦高坡使世顯由中路進母椿齡馬騏佐之叅將紀

龍由右路進友文等佐之霍昇統大兵自清江進策

貴陽府志

卷六十六

總部政績錄卷之五

七

應二路賊聞大兵集交撤交工南弓交上世登各寨

皆降而烏羅南山烏茫黨道番牌猶結連九股拒敵

霍昇破之三月十二日元生移駐台拱咨霍昇會勦

番招番招者高坡苗寨也其旁曰陽遠曰汪交曰烏

腳交曰烏腳南凡數千人與九股賊築土城于蓮花

壘壘踞山上高二里許廣倍之四面皆深箐積聚可

支數年推其渠白黨爲主併力死守我兵屢攻之不

克二十五日元生至番招二十八日元生自臨陣分

兵六路進攻賊不能支遂破其寨斬獲無算番招既

破搜勦各箐日獲百餘人九股諸苗懼皆面縛赴營

乞降高坡苗平五月二十日班師顯乃卒城台拱又

築丹江都江石城而還遂置台拱通判隸鎮遠府顯

尋去陳德榮繼之德榮以乾隆四年遷布政宋厚繼

之宋厚江蘇元和人以監生起家雍正七年授鎮遠

同知駐清江按察使方顯城台拱厚與鎮遠知府劉

棟從之九股苗叛圍顯于台拱官軍糧盡皆欲移營

避之顯持不可厚及棟復和之已而巡撫檄至軍心

始安十一年三月台拱苗平乃卒築城事厚還清江

十三年遷都勻知府仍攝通判事三月古州台拱苗

叛謀攻清江厚與署副將曾長治告急提督哈元生

貴陽府志

卷六十六

總部政績錄卷之五

十七

發全省兵援之令遵義副將宋朝相將之以行未至

苗以衆數千圍台拱之番招汎總兵卜萬年遊擊擊

邱中瑞張國秀擊卻之賊又壘雞擺尾寨台拱清江

往來路萬年使遊擊姚宅中邱中瑞各以兵自雞擺

尾援清江至交汪不能進營于蓮花壘明日朝相以

兵至賊斷其歸路亦登蓮花壘與宅中等合軍賊圍

兵出賊後夾擊之賊退糧始達營是時新疆六應過地皆賊鎮遠平越思州都勻在在告警官軍奔命不遑赴援清江者皆為賊所阻厚與會長治守清江柳羅二城晝夜不息而賊圍百日無一騎之助七月將軍哈元生解稿貢圍始遣貴州副將柳定國廣東副將馬成林湖南副將李椅自梁上進軍柳羅奪賊圍五賊城一賊營寨六斬首六十有七會長治見援兵至發兵夾擊之賊始退清江柳羅圍解乘霧攻克柳受寨斬首三十餘級十二月經畧廣泗至敗賊于清江乾隆元年正月廣泗至雞擺尾謀勦諸苗使厚監

貴陽府志

卷六十六

總部政績錄卷之五

六八

副將馬成林柳定國李椅兵厚遂率三將進圍烏羅反牌二寨賊棄寨奔烏羅關王無黨以廣西兵克交上寨斬獲甚多與厚合軍厚合遊擊余忠守備周岐山伏于深溝厚與無黨夾攻賊賊潰入溝伏發賊盡死溝水為赤無黨康世顯攻交工寨厚率三將會之克其四寨並克汪江篩過趙甲南豆諸寨無黨進勦南工二寨二寨分踞清江南北岸山形壁立地險苗稠厚使三將為三路出其背攀援而上夾攻之遂克其寨明日攻歹賴寨一鼓克之又與無黨克烏西烏熙二寨遂攻交包奪三城一營賊竄入雞花官軍營

雞花後山焚昂焉昂速倩諸寨斬首百數十級禽男女數十廣泗奏遷厚為古州道監三將兵搜牛皮大箒克之語具廣泗錄廣泗又議殲諸從逆苗寨使厚佐永北總兵劉永貴督理清江下河兩岸軍務率副將馬成林柳定國哈尚德李椅姜煊會參將謝龍溫朝宰遊擊趙國儀楊通仁趙璧余忠諸軍進成林尚德定國勦九甫寨與賊戰自辰至未賊大敗於清江分勦諸苗成林率都司王之臣攻繞號寨賊乘船欲遁官兵沉其二船賊盡溺死定國與參將謝龍攻培鵝趙賴二寨克之尚德以兵臨反受寨寨據崖上背

貴陽府志

卷六十六

總部政績錄卷之五

九

統清江賊據險拒敵尚德發銃礮陽與之相持陰使卒三百渡河緣崖攻其後賊背腹受敵遂破之厚及永貴駐梁上使國儀勦培鳩寨國儀設伏要隘以重兵壓其巢盡殲之柳旁汪刀諸苗多匿箐中永貴使龍國儀通仁璧分路搜勦龍國儀人箐斬獲頗多通仁入箐有男女數百俯伏乞命官兵殺數人苗亦不去通仁不忍復殺苗乃下崖就縛璧入箐亦有男女號呼乞命璧亦不加誅令自縛赴大營厚及永貴訊出逆犯斬之其餘五百悉令安插尚德國儀攻克柳受培鳩二寨龍璧攻克九寨柳寨成林攻克羅領

通仁合國儀攻克高邱寨椅忠攻克九丟歹旦二  
寨成林之臣攻克柳拉寨俱各有斬獲燭會朝宰合  
兵圍抱金寨男女皆號泣乞命燭會令自縛其賊首  
贖罪乃縛七十人其家屬百二十人以獻明日攻絞  
柱亦獻賊首十餘人又克台革柳羅二寨斬首二百  
餘級禽男女三百九十餘人清江悉平乃班師厚往  
古州相地形安設屯軍築城堡百有九四年遷貴州  
按察使八月去王某繼之七年王某去厚復任九年  
去孫紹武繼之紹武以十一年遷布政使山西解州  
介錫周繼之錫周以十五年去黃某繼之黃某以十  
貴陽府志 卷六十六 總政續錄卷之五 二十  
六年去嚴某繼之嚴某以十八年去屠嘉正繼之嘉  
正以十九年去王允浩繼之允浩以二十年去崔某  
繼之崔某以二十一年去馮某繼之馮某以二十二  
年去永慶繼之永慶以二十三年去滿洲饒黃旂九  
成繼之九成以二十四年二月去滿洲四十七繼之  
四十七以二十五年閏六月去滿洲饒黃旗彭寶繼  
之彭寶  
國史有傳彭寶以二十七年去浙江上虞趙孫英繼  
之孫英以二十九年九月去湖北京山熊繹祖繼之  
繹祖以三十一年去高積繼之積以三十五年伏法

江蘇吳縣金祖靜繼之祖靜以三十六年五月去布  
政使三寶兼署三寶以是年六月解任浙江仁和蔡  
慶彪繼之應彪以三十七年六月遷布政使不知繼  
者何人至三十八年九月滿洲饒黃旂國棟以四十  
一年六月去滿洲饒黃旂永慶繼之永慶以四十四  
年四月去滿洲德隆署任德隆以四十五年十二月  
去滿洲正白旂奇豐額繼之奇豐額以四十七年十  
一月去張誠基繼之誠基以五十年七月去滿洲正  
黃旂巴尼渾繼之巴尼渾以五十一年九月去索諾  
木繼之索諾木以五十二年去誠基復任誠基以五  
貴陽府志 卷六十六 總政續錄卷之五 三十  
十三年去浙江會稽陳大文繼之大文以五十五年  
五月去張繼辛繼之繼辛以五十六年十二月去滿  
洲正黃旂萬甯繼之萬甯以五十七年三月去湖北  
黃陂姜開陽繼之開陽以五十八年去滿洲覺羅尼  
某繼之覺羅尼某以五十九年正月去滿洲正白旂  
西成繼之西成以嘉慶九年去吳超繼之吳超以嘉  
慶二年九月去湖北東湖張繼辛繼之繼辛以三年  
十二月去山東臨城方昂繼之昂以五年去江蘇大  
倉周綿繼之綿以六年三月去河南陝州張長庚繼  
之長庚以七年七月去綿復任綿以是年九月去江



蘇上元董教增繼之教增以九年十月去安徽太湖  
李長森繼之長森以十年十一月去巴甯阿繼之巴  
甯阿以十年十一月去浙江長興朱棟繼之棟以十  
二年四月去巴甯阿復任巴甯阿以是年十月去江  
蘇儀徵張暉吉繼之暉吉以十三年正月去順天宛  
平查淳繼之淳以是年十一月去江蘇溧陽狄夢松  
繼之夢松以十四年七月去浙江餘姚翁元圻繼之  
元圻以十五年十一月去暉吉復任暉吉以十六年  
五月去元圻復任元圻以十七年六月去夢松復任  
夢松以八月去元圻復任元圻以十八年三月去滿  
貴陽府志

卷六十六

總部政績錄卷之五十三

洲正白旗伊湯安繼之湯安以十九年七月去布政  
使常發祥兼署發祥以二十年解任滿洲正白旗倭  
臣布繼之倭臣布以是年七月去滿洲正藍旗廣慶  
繼之廣慶以二十一年四月去漢軍鑲黃旗毓岱繼  
之毓岱以二十二年遷布政使不知繼者何人至二  
十三年十月滿洲正藍旗富信任富信以二十四年  
十月去倭臣布再任倭臣布以二十五年六月去江  
蘇儀徵程贊清繼之贊清以道光元年去浙江山陰  
何金署任金以是年八月去贊清再任贊清以二年  
三月去金再署任金以是年去滿洲正紅旗保亮繼

之保亮以是年閏五月去浙江仁和景謙繼之謙以  
三年二月去倭臣布再任倭臣布以是年三月去何  
金繼之金以是年五月去滿洲正藍旗祥德繼之祥  
德以是年十一月去浙江嘉善吳書成繼之書成以  
四年四月去宋如林繼之

晏斯盛江西新喻人由進士改庶吉士散館授編修  
遷江西道監察御史雍正八年提督貴州學政十一  
年差滿復任十二年白拱苗平總督尹繼善問綏安  
事斯盛復書曰黔滇苦苗久矣無以服之于素又以  
貪利而激變官吏止倖功于一時斷未有能善其後

卷六十六

總部政績錄卷之五十三

貴陽府志  
者苗地險而性悍勦固已難既勦而撫綏之使之久  
安長治尤難然治安之要在乎得人得人則可以久  
長也其人務以清靜為體以縝密精明寬大為用制  
其要害而周防之因其習熟而利導之斯亦可矣夫  
大化之所及必有其漸非可以旦夕期也苗蠻異類  
本俟氣化而欲以力制無異期虎射之屬盡為馴虎  
力大者或偶納諸閑而不覺至閑之不修而迫而狎  
之必怒爪張牙所傷實多焉貢五百荒服三百里蠻  
蠻之為言慢也謂禮義仍慢因其俗而治之也漢書  
云班超為西域都護其得厥心超召還任尚代之尚

謂趙曰小人猥承君後宜有以教之趙曰塞外吏士非孝子順孫蠻夷懷鳥獸之心難養易敗宜薄俸簡易寬小過總大綱而已觀此則古今綏緝荒服之道亦可知矣兵之爲用必熟練于平日未可取辦于一時今日之兵平時皆游手蕩逸騎而且懦驟而遣之不堪用命且處處虧缺一經調遣本處輒形孤弱此又未講于武衛之制也禹貢五百里綬服三百里接文教其外二百里則奮武衛綬服且奮况荒服乎兵師也師衆也衆民也今固不能如古田賦出軍之法而軌里連鄉軍政之寄亦可相師或于近苗之地固

貴陽府志

卷六十六

總部政績錄卷之五十五

保甲而默修其團練裕器具習擊刺曉進退則有恃以無恐賊亦有所畏而不敢逞久之民勝苗衰強弱立判且良民者國之本也愛養未周又苦于官法怨咨時聞苗蠻聞之且以向化爲畏途矣黔省山多田少土瘠民貧又加以夫役之煩征調之數不遑耕讀日事奔馳屨債充應典費不支清平一路至以額設夫馬火牌勘合俱令土民承當有不服者輒置之法殊爲未便雖然此時此事權宜可也今既撤兵宜使賢有司靜而治之慎其防禦而平其爭訟使得力務墾以享太平之福竊嘗總其形勢貴陽安順遵義地

坦民庶不減內地可以永安大定南籠思南石阡平越久經緝甯地形雖險而人民繁庶不減貴陽亦可久安鎮遠黎平都勻思州銅仁地逼新疆宜賑恤其久困之民柔服其新定之苗而扼制其險要亦未嘗不可以永安他如貴陽之定番廣順安順之鎮甯永甯普定大定之平遠威甯南籠之普安安南永豐民與苗保雜處細加體察亦可以觀其出入動靜之機總之地方之安否惟在親民之有司勿作無益以害有益勿規小利而忘大經勿工干悅上而拙干信民勿執私見而昧恒理庶幾乎足副大人之訓也雖然

貴陽府志

卷六十六

總部政績錄卷之五十五

難矣院司道位高而勢隔人心之不同如其面然有司孰不欲其賢而不如所期者十常八九雖然大守者州縣之表率而上下之樞機也苟得其人則州縣之承旨而凜憲法者可朝令而夕至也斯盛以五月初考貴陽六月二十二日至安順兩郡生童俱倍多于前足覘民間之有餘力也十三年去貴州提督學道始于山東膠州趙霖壽以順治十六年任康熙二年去山西猗氏衛紹芳繼之紹芳有錄紹芳以四年去陝西洋縣吉允迪繼之允迪以六年去直隸正定張純熙繼之純熙以八年去直隸藁強鄭端繼之端

以十年去江南甯國洪啟槐繼之至十二年吳三桂  
陷貴州不設督學道二十年復貴州以浙江象山錢  
捷爲之捷以二十二年去浙江鄞縣袁時中繼之時  
中以二十四年去山東益都畢忠吉繼之忠吉以二  
十七年去陝西韓城張願行繼之願行以三十年去  
江蘇無錫華章志繼之章志以三十三年去福建莆  
田林麟焜繼之麟焜以三十六年去順天固安卜景  
超繼之景超以三十八年去直隸清苑陳正繼之正  
以四十年去山東萊望繼之至四十一年裁提督學  
道始差京官提督學政浙江海甯張豫章以編修任  
貴陽府志 卷六十六 總部政績錄第五二六

豫章以四十五年去奉天文岱以編修繼之文岱以  
四十八年去山東德州孫勤以檢討繼之勤以五十  
一年去奉天蔡珽以編修繼之珽

國史有傳而于貴州無蹟可紀珽以五十三年去浙  
江慈谿萬經以編修繼之經以五十六年去石門沈  
翼機以編修繼之翼機以五十九年去嘉定張大受  
以檢討繼之大受以雍正二年去江蘇太倉王奕仁  
以編修繼之奕仁以五年去徐本繼之本有錄本以  
八年去斯盛繼之斯盛以十三年去鄒一桂繼之  
鄒一桂字小山江蘇無錫人雍正五年成進士改庶

吉士散館授編修九年充廣西副考官尋授雲南道  
監察御史十三年提督貴州學政乾隆三年留任四  
年疏言黔省漢苗雜處雍正三年前學臣王奕臣奏  
准歲科兩考于定額外加進苗童一名卷面填寫新  
童但苗人歸化已百年者俗尚文風與漢無二請准  
入漢童內應試其歸化未久者照例入新童卷六年  
疏言歲科考一二等生員例得幫增補廩黔省歲案  
帮補以科考行文日爲止與各省同科考帮補則于  
鄉試前科册解部日即停止歲案得缺倍多科案得  
缺至少請于下届行文歲考日停止以昭平允部議  
貴陽府志 卷六十六 總部政績錄第五二七

均從之七年差滿還京以貴州糧賦不均請從丈量  
御史包祚永等之乃止事具祚永傳尋遷禮部給事  
中十年四月遷大常少卿十一年改大理少卿十二  
年授僉都御史十三年遷大理卿十五年遷內閣學  
士十七年八月充會試副考官十二月擢禮部右侍  
郎十八年轉左十九年以事降三級留任二十年又  
降二級留任二十一年以年老不勝任降補內閣學  
士二十三年致仕歸里二十六年入京祝

太后壽三十六年復入京祝  
太后壽加禮部侍郎銜在籍俸俸三十七年至改上縣卒贈

禮部尚書

賜祭葬一桂去繼之者為滿洲正藍旗佟保保以洗馬任

十三年去安徽桐城葉酉以編修繼之酉以十六年

去樂昌歐堪善以御史繼之堪善以十九年去山東

高密李師中以御史繼之師中以二十二年去江蘇

丹陽眭朝棟以檢討繼之朝棟以二十四年去廣東

南海馮成修以編修繼之成修以二十七年去江蘇

宜興湯先甲以鴻臚少卿繼之先甲以二十九年去

河南夏邑李敏行以御史繼之敏行以三十年去直

隸安州陳荃以侍講繼之荃以三十三年去陝西華

貴陽府志 卷六十六 總部政績錄卷之五十五

州王士棻以刑部郎中繼之士棻以三十五年去浙

江仁和孫士毅以刑部郎中繼之士毅以三十九年

去湖南長沙劉校之以檢討繼之校之以四十二年

去湖北黃陂蕭廣運以檢討繼之廣運以四十五年

去江西金谿潘曾起以編修繼之曾起以四十八年

去直隸昌平陳本忠以工部郎中繼之本忠以五十

一年去山陰吳壽昌以侍講繼之壽昌以五十四年

去直隸陸湘以內閣中書繼之湘以五十七年去江

蘇陽湖洪亮吉以編修繼之

貴陽府志卷六十七

知府孫英利任

知府孫英利任

錄十四

總部政績錄第八之六

愛必達 開泰 定長

官兆麟 李湖 魯維岡 恩德

章諫恒 裴宗錫 鄭大進

顏希深 范樹禮

愛必達滿洲鑲黃旗人以生員起家乾隆十一年二

貴陽府志 卷六十七 總部政績錄卷之五十六

授貴州布政使

上欲用為貴州巡撫使問總督張廣泗曰朕欲別州卿此

人可相代否廣泗奏以不如按察使孫紹武悉熟苗

情

上乃以愛必達為山西巡撫十三年巡撫孫紹武去以愛

必達為貴州巡撫愛必達以貴州地險山深苗蠻雜

處言語不通官民多不相習使通判張鳳孫采輯風

土山川著為書名曰黔中風土志十四年六月兵部

尚書舒赫德閱雲貴兵營愛必達將古州鎮及所屬

各協營兵俱調赴都勻提督丁世傑言古州苗人

數不可遠調

丁諭行赫德以親閱營伍乃止十五年九月

詔減貴州解額二名愛必達以永豐所屬之羅斛州判去

永豐遠去南籠尤遠請改隸定番從之十六年二月

去繼之者為開泰開泰滿洲正黃旗人以進士起家

十七年奏設劄佐巡檢松桃苗白玉保作亂撥官兵

討平之十八年二月去定長繼之

定長滿洲正黃旗人以監生起家雍正十三年授內

閣中書乾隆三年遷侍讀五年襲世管佐領九年授

在內徐州知府十二年遷淮徐道十三年遷山東按

察使十四年遷陝西布政使十五年擢安慶巡撫十

六年調廣西巡撫十七年調山西巡撫十八年二月

調署貴州巡撫九月賞授十一月條奏武科不許交

武官員子弟頂食名糧應試又奏現任湖廣總督永

常條奏隣省會哨事宜奉

旨等議臣察貴州與隣省聯界幽僻之地苗夷環處從前

未加兵威若與隣省會哨雖不必張皇其事而苗性

多猜恐生事端請停止下大學士議如所請十二月

勅提督丁世傑以書囑調知縣馬中騏

上嘉其據實陳奏特正得體降世傑為廣西左江總兵十

九年九月請以節省棚馬公費銀交地方官平價糶

穀借給撫標兩營兵以資接濟又旨黎平府屬之古

州城東北江水泛漲為患乾隆九年城北已築石隄

而城東未及與舉請接築

報聞二十一年疏言本年銅運愆期黔省現貯銅足供鼓

鑄請將上年所買滇銅五十萬斤解京備用得

旨嘉允之二十二年二月

上巡江南定長請覲

行在許之

命便道至浙江省其父喀爾吉善

貴陽府志 卷六十七

賜詩贈之五月還貴州

命同尚書劉統勳往雲南鞫獄時雲南巡撫郭一裕總督

總督恒文勸屬員贖金而短其價聞省皆喧一裕恐

達

上聽而已並受罪又以恒文縱家人私受門禮許奏之

上命統勳與定長往鞫之得實恒文

賜白盡一裕發往軍臺効力即以定長署雲貴總督六月

調山西巡撫未赴任丁父憂十一月起復授副都統

銜赴西路軍督辦屯田二十五年補兵部右侍郎二

十六年授福建巡撫二十一年二月遷湖廣總督三

十六年授福建巡撫二十一年二月遷湖廣總督三

十六年授福建巡撫二十一年二月遷湖廣總督三

十六年授福建巡撫二十一年二月遷湖廣總督三

十三年卒

諭部議卹三十四年以事奪其卹典定長去順天大興周

琬繼之琬以三十九年九月去直隸天津周人購繼

之人麟以二十五年奏移畢節錢局于省城二十七

年以濟南明河事去江蘇上海喬光烈繼之光烈以

二十八年六月去雲南巡撫劉藻署任藻去貴州巡

撫繼之者為滿州正白旗圖爾炳阿圖爾炳阿以是

年去江蘇上元方世傳繼之世傳以三十二年去德

江仁和湯聘繼之聘以是年去滿洲鑲黃旗鄂寶繼

之寶以三十三年去長卿繼之長卿伏法滿洲鑲藍

貴陽府志 卷六十七 總督 鄂寶 鄂寶

旅喀甯阿喀甯阿以三十五年去宮兆麟繼之

宮兆麟安徽懷遠人以貢生捐授湖北安陸府通判

乾隆十六年遷江西南昌同知十八年遷福建興化

知府二十七年遷山東濟東道二十八年調山東糧

道三十一年六月遷湖南按察使三十二年調雲南

按察使三十三年三月遷雲南布政使十月擢廣西

巡撫十一月調湖南巡撫三十五年三月調貴州巡

撫四月桐梓民變兆麟同刑部侍郎錢維城湖廣總

督吳達善撫定之詔具絳城錄疏曰桐梓起釁由于

知縣辦兵差按畝派馬米疑釐事紳士有侵漁弊一

唱百和釀成巨案奸民聚眾罪有應得州縣遇派辦

公事亦當防董事侵漁早為清算使知所派皆實用

疑釋心平乃置之不問地方官之闕冗可見計州兵

差大概如是臣飭各府督州縣將兵差領項銀兩

若干派民若干有無餘剩勒限清算傳紳士保甲同

董事查閱使百姓曉然仍詳報查覈不及請詳者參

革

上是之七月古州黨堆寨苗要香謀作亂苗民阻之要香

殺老响屠其家遂作亂各寨應之殺土司某及兵役

事

貴陽府志 卷六十七 總督 鄂寶 鄂寶

命兆麟及羅城達善以兵四千五百討之六月鄂寶就擒

戮其黨甚眾各寨皆降

上以辦理迅速三人皆議叙兆麟條奏古州善後事宜一

下江營四面皆苗南界廣西為古州扼要地舊設兵

五百除撥丙妹西山及各塘汛外有城兵止二百三

十請撥古州鎮標兵二百益下江營一定巨營在古

州上游山後皆生苗原設兵二百六十除安設塘汛

外止存兵百九十五請撥古州兵百益之一下江城

原設吏目秩卑不足彈壓應裁汰而移費陽通判駐

城

其地隸黎平府割古州下江苗寨令其管理其吏員  
原經理兵米交通判支放定為苗疆久任要缺在外  
揀補一推塚寨苗民老詢以阻要香謀殺土弁廟差  
全家遇害臣于其地建廟祀之並將其死義被旌與  
要香叛逆伏諸事以苗語譯出榜于廟中使眾苗歲  
時展拜知警一下江苗寨有圍牆四百有十丈高一  
丈內駐兵丁三百餘月日久傾圮臣等議捐修改立  
土城

詔如所議兆麟又言本年入夏米價昂貴臣飭各屬將常

平倉米不拘存七糶三之令減價濟民查本省貯米  
貴陽府志 卷六十七 總督張之洞奏

八十三萬餘石今自三月開糶至七月止各處倉儲

皆虛查即估龍泉修文安平清鎮普定安南遵義桐  
梓酉陽甕安湄潭開州永甯平遠黔西正安向有餘  
米三萬四千餘石畱為上年平糶交價解存道庫前  
無臣圖爾炳阿奏明改徵折色貴州山多不通舟楫  
與其徵收折色多糶常平不若仍徵本色畱備下年  
平糶如此則採買既少民免苦累倉糧亦不至虛糜  
矣奏入

奏聞又請分寶錢局銀十座于大定從之先是四五月間

兆麟請于湖南四川廣西買米運貴州糶濟至秋豐

收復請停運

上飭其旨味陳奏令以題單須詳籌兆麟又奏請

簡發知府三員赴貴州

諭曰知府有董察屬員之責民生吏治攸關

簡用時特加詳慎若如兆麟所奏勢必將部中分別繁簡

將司員發往此端一開各省効尤不時遇有要缺

簡用無人並於吏部選法有碍且發往人員既往外省其

權皆在督撫倘因得缺稍遲及擇缺美惡必至資終

請託遂開侍進之門兆麟率爾陳奏其嚴申飭十月

布政使觀音保入京質審

貴陽府志 卷六十七 總督張之洞奏

上問兆麟為人答以粗率自誇不能精細

上諭兆麟爾前所奏二事殊屬冒昧應對是爾所長辦事

殊少實際是以外間有鐵嘴之號身為巡撫遇事不

能審慎必至誤公即如藩司觀音保歷任有年朕因

其人粗率是以未用為巡撫今粗率如觀音保尚以

爾為粗率則其意氣不問可知矣爾宜猛省痛改前

非凡事出以持重周詳毋謂既得巡撫一意誇張以

自貽伊戚也十一月

命入京

陞見降補甘肅按察使三月以貴州巡撫任內失察

廠員王藻元等虧欠鉛勛軍職回籍十二年三月

上巡江南兆麟

駕

詔給三品銜四十六年卒

李湖江西南昌人乾隆四年進士十三年授山東武  
城知縣調刻城二十年遷甯海知州二十六年遷泰  
安知府調直隸大名府復調保定府三十三年遷通  
永道調清河道三十四年遷直隸按察使三十五年  
遷江蘇布政使三十六年擢貴州巡撫七月侍郎錢  
維城有貴州鞫獄還奏古州兵米以折交爲便

貴陽府志

卷六十七

總制錢維城

八

勅巡撫查明湖言貴州兵糧俱于駐劄地方徵給無需挽  
運惟古州丹江朗洞清江鎮遠台拱八寨牙舟坡東  
諸處米少不敷兵食定議挽運今因一二流弊盡翻  
空局恐歉歲洩地米昂抹買浮于運費有碍民食兵  
稽查黎平及平越開泰等縣現收折色本泐便于採  
買卽明立章程官爲改折以杜積弊而省運費其各  
屬撥濟營米並無折交仍循舊例從之又條奏運鉛  
章程一現存未運船九百餘萬斤年久停滯無由清  
釐新舊並催恐挪移滋弊請勅限一年運竣舊鉛再  
運新鉛一積年所運鉛船及發過腳價先查追領銀

撥運之戶其承辦出納官督催不力上司分別攤歸

一舊鉛運費暫于存貯銀本腳價內先行借支俟起

運後勒追歸款轉運可免稽滯一感甯水城鉛廠向

來直送甯甯前撫臣劉藻奏改由大定府總府局以

馱馬少仍向威甯雇募應仍舊爲便一鉛勛工本運

腳銀歸藩庫兌收貴西道按季領發一各廠起運會

歸畢節宜堵北路胥歸中路以杜歧徑偷竊之弊其

目履至中西兩路直抵甯甯按站設卡令書手巡役

關會催派一派佐貳駐甯甯兌收按旬彙報並知會

原廠查對印油印可知已發未到之數下部議行三

貴陽府志

卷六十七

總制錢維城

九

賜祭

葬如例益恭毅入賢良祠

覺羅圖思德滿洲鑲藍旗人以生員起家乾隆三十

六年十二月授貴州布政使三十七年正月遷貴州

巡撫三十九年五月去四十二年十月復爲貴州巡

撫四十四年六月去圖思德撫貴州有惠政

缺畧不可得而詳也其初去也繼之者爲韋謙恒

韋謙恒安徽蕪湖人乾隆十八年以舉進士第三人



三十七年十月授貴州布政使三十九年督貴州巡撫是年去亦有惠政謙恒去袁守何署任守何去裴宗錫繼之宗錫去圖思德復繼之圖思德卒滿洲正白旗舒常繼之舒常以三十五年去顏希深繼之

裴宗錫山西曲沃人父俸度以附貢捐主事康熙三十五年授刑部主事四十五年遷員外郎四十六年遷戶部郎中四十九年授雲南澂江知府五十四年調廣西知府五十五年擢河東鹽運使尋改兩浙五十九年遷湖北按察使六十年遷湖北布政使六十二年調貴州布政使雍正元年擢江西巡撫四年二

貴陽府志

卷二十七

總督張廣森第八之六

十

月遷戶部左侍郎仍留巡撫任七月擢左都御史五年正月以事革職乾隆六年卒宗錫以監生捐納同知乾隆十五年選山東濟南同知尋授青州知府二十二年調濟南知府二十四年遷濟東泰武道二十七年調督糧道二十八年三月調直隸霸昌道五月遷直隸按察使三十三年六月丁母憂回籍以事鐫二級三十五年三月服闋補原官六月授安徽布政使尋擢安徽巡撫十二月以事革職留任四十年五月調雲南巡撫十月調署貴州巡撫四十一年三月奏改仁懷通判為直隸同知畢節為要缺長寨為簡

缺語具鄭大進錄四月疏言黔省地處邊隅向庫儲貯銀兩宜寬請

教部撥銀三十萬兩解黔備用從之十一月以鎮遠稅額不敷咨部增設稅口部議不准

諭曰此項稅務因已革知府蘇橋每次征多報少侵肥入

已按律治罪是以交督撫委員試收一年據實奏報撫臣自應董飭關稅之員實力妥辦且蘇橋管理兩年皆有盈餘何以一經委員即形不足必無是理且添設稅口尤為滋擾宗錫辦事尚屬認真不應如此荒唐其嚴加處分初三十八年遵義新寨民于泮水

貴陽府志

卷二十七

總督張廣森第八之六

十一

場側掘地得鉛鑛告知縣羅存義存義言于大吏請試採至是得鉛甚多至百萬斤而綏陽之月亮巖松桃之巴壩山亦試採有効四十二年二月宗錫疏曰黔省額辦京楚白鉛七百餘萬斤厥僅三處開採年久物力漸絀且到黔後察知上下游附近水次地均產鉛鑛飭屬試採現增新廠二一為松桃之巴壩山歲可得鉛百餘萬斤一為遵義之新寨歲可得鉛百餘萬斤分撥京楚兩運每歲可省銀四萬三千八百兩有奇

上嘉允之四月回雲南巡撫任疏言黔省古州諸廳間有

牛皮大籌綿亘數百里山深林密從前列屯置軍此地未置屯田思安屯以養軍設防以固守等內平曠之土開墾成田寓防于屯斯為周備查丹江一屬有地名雷公坑者地勢平行可墾田四百五畝歐收甬荒高箐三處崎零平地可墾田三四百畝令附近之震威堡派軍試墾成熟後畫界分管另立屯堡以資防守再查現開墾之箐相距四十餘里有難講況係丹江營管轄駐守備千總把總各一兵二百其地距箐較遠請于其汛撥千總一兵五十九箐防守另為一汛以聯絡箐外營汛

貴陽府志 卷之七 總制政績第八十六 十一

諭曰所奏甚是可謂留心封疆之大臣交圖思德善為之四十四年六月以病請改任

命入京調理是月卒

賜祭葬如例

鄭大進廣東揭揚人乾隆元年進士十年授直隸肥鄉知縣十二年調南皮知縣十六年遷大名同知丁父憂服闋補河間同知二十年調北運河同知二十二年遷正定知府二十九年遷山東濟東道尋遷兩淮鹽運使三十六年丁母憂服闋署浙江按察使尋授湖南按察使四十年十二月遷貴州布政使四十

一年二月詳巡撫裴宗錫曰遵義仁懷廳原屬仁懷縣距省九百餘里幅員廣袤三百餘里濱隣赤水界連川省之瀘州合江叙永萬山盤折路遠水險為川黔扼要之區乾隆三年移仁懷縣城于亭子壩始以通判分駐其地撥仁懷河西土城三里屬之改撥之初以居民無多案牘稀少定為中缺至今三十餘年戶口滋植五方雜處閩廣楚蜀之人種詭燒窰者雲集民風強悍俗喜爭訟兼之處處林深箐密最易藏奸案件繁多比從前十倍事無距細例由本府核轉雖無貽誤但自廳至府十有一站道路馳驅跬步艱難不免有稽遲之患通判事權不專遇有要務更多掣肘之慮且刑糧捕衙名實不符宜改為要缺直隸同知在外揀幹員調補始足資彈壓直隸同知案件例由巡道核轉今貴西道駐劄威甯程途紆遠宜改屬糧道則解道轉司均在省城較為便捷所有養廉皂役禁卒民壯衙署倉房俱仍其舊足資辦理不必議增以糜

貴陽府志 卷之七 總制政績第八十六 十一

國帑第同知秩居五品比通判食俸不同似宜更正前次移縣改廳未議設學所屬三里生童歲科兩考分歸廳試由府彙送其進取額仍于仁懷縣學內酌

撥二三四名不等殊無定額兼之院府兩試守候需時往返維艱因此士習頓減其舊僅派縣訓導一員留任廳城凡約束文武生員丁憂起復必會同教諭支食廩餼赴縣請領越四百里之遙岷崎往返亦屬未便仁懷縣學額僅止八名教諭一員足資訓迪宜改其訓導為廳學復設訓導俾得專其職守定學額四名武生二名撥縣廩增各八名歸廳補考試仍赴遵義廉俸役食春莫二季改歸廳扣存備支秋冬二季向由廳代領宜仍其舊又查石阡府居平越思南之間止轄龍泉一縣幅員褊狹獄訟稀少本府地實陽府志卷六十七 德部積錄第廿六 十四

差墮運請仍定為衝繁難相兼要缺在外揀調宗錫為之奏請惟石阡仍為府餘俱從之四十三年正月擢河南巡撫尋以事降五級留任四十四年正月調湖北巡撫十二月署湖廣總督四十五年十一月授直隸總督四十七年賞戴花翎及黃馬褂八月加太子少傅一月卒

賜祭葬如例謚勤恪大進去布政使繼之者為漢軍正藍旗李本本以四十九年五月陞巡撫江蘇金匱孫永清繼之永清以五十年四月去浙江仁和汪新繼之新以五十七年二月去滿洲正黃旗萬甯繼之萬甯貴陽府志卷六十七 德部積錄第廿六 十五

以五十八年十一月去湖北鍾祥賀長庚繼之長庚以嘉慶二年十一月去滿洲鑲紅旗常明繼之常明以六年十月去漢軍正黃旗百齡繼之百齡國史有傳百齡以八年六月去滿洲鑲黃旗公我繼之公我以十年二月去滿洲鑲紅旗衡齡繼之衡齡以是年十一月去安徽太湖李長森繼之長森以十四年正月去順天宛平陳預繼之預以十六年五月去滿洲鑲黃旗齊布森繼之齊布森以十八年十一月去滿洲鑲黃旗福昂繼之福昂以十九年四月去直隸灤州常發祥繼之發祥以二十年四月去浙江

山陰史致光繼之致光以二十二年六月去滿洲正藍  
黃旗毓岱繼之毓岱以二十四年十月去滿洲正藍  
旗富信繼之富信以道光元年去江蘇儀徵程贊清  
署任贊清以二年十一月去廣奇瑜繼之

顏希深廣東連平州人以貢生捐同知乾隆十四年  
選授山西太原府同知十七年遷山東泰安知府二  
十五年調濟南知府遷山東督糧道二十七年五月  
遷四川按察使二十七年五月調江西按察使二十  
八年十月遷福建布政使三十二年正月調江西布  
政使二月丁母憂三十四年服闋仍補原官三十六  
貴陽府志 卷六十七 總督程德全 去

年丁父憂三十八年九月服闋

命赴四川角木交同鄂寶辦理糧務十二月補河南布政  
使仍留軍營三十九年六月賞戴花翎四十二年二  
月擢湖南巡撫四十三年三月改兵部右侍郎四十  
四年轉左四十五年二月署貴州巡撫三月署雲南  
巡撫四月復署貴州巡撫七月卒希深

國史有傳其在貴州事積不可考也希深去滿洲鑲  
紅旗永保繼之永保以五十年去浙江海甯陳用敷  
繼之用敷以是年去漢軍鑲黃旗李慶芬繼之慶芬  
以五十四年去郭世勳繼之世勳以是年去江蘇江

甯陳步瀛繼之步瀛以五十五年去滿洲鑲黃旗額  
勒春繼之勒春以五十六年二月去河南商邱陳准  
繼之准以五十七年去馮光熊繼之

范樹禮字卓夫亦字容齋漢軍人以義學生授工部  
主事遷山西吉州知府調霍州遷湖南永州知府乾  
隆四十七年冬遷貴州督糧道樹禮性廉潔糧務以  
陋規進者悉卻之糧道兼巡貴平石三府及仁懷廳  
居是職者不事事案牘多壅積樹禮不辭勞虛心聽  
斷必允當而後已居數月案無留牘貴山書院膏火  
費悉由糧道支放往往爲胥吏所扣所給多不如數  
貴陽府志 卷六十七 總督程德全 去

樹禮嚴禁之更捐資以濟其乏士子皆悅之四十九  
年三月署按察使尋復糧道事十一月去職

貴陽府志卷之十八

知貴陽府事蔡和國作情懷嚴

知貴陽府事博自朱德發經堂刊

錄十六五

總部政績錄第八之七

覺羅琅玕

洪亮吉

孫玉庭

許兆椿

程國仁

嵩溥

廖奇瑜

吳榮光

程恩澤

胡達源

宋如林

李文耕

慶祿

貴陽府志

卷之十八

總部政績錄第八之七

覺羅琅玕滿洲正藍旗人嘉慶五年授貴州巡撫六月廣順青苗作亂琅玕遣撫標參將雙某守廣順長寨參將李某勦之初七日李某至海村焚擺雅壘燬

滾塘蔭箐四寨餘黨皆降賊遂平奏設長寨右軍空

備駐廣順城九月琅玕遷雲南總督去以伊桑阿為

貴州巡撫伊桑阿以松桃用兵事

上疑其欺罔

詔解任以雲南總督初彭齡督貴州巡撫彭齡奏發伊桑阿

妒功欺罔狀

上怒誅伊桑阿

彭齡以六年六月去奉天奉德孫日秉繼之日秉以

是年十月去滿洲廂紅旂常明繼之常明廷正習正

木書院於貴陽又請撥撫標外委三員於松桃撥銅

仁兵三百益撫標常明以七年去滿洲廂紅旂富尼

善繼之富尼善以是年去滿洲廂黃旂福慶繼之福

慶以十一年三月檄仁懷兵平仁懷牛欄溝賊初仁

懷民袁廷瑛與族人伯玉爭產避於仁懷桐梓界之

牛欄溝結苗人以自助多至數千廷瑛不能贖遂劫

遠近行旅仁懷知縣崔木纂江知縣張九毅率兵役

捕獲之及其黨數十餘人衆皆散十二年四月遵義

貴陽府志

卷之十八

總部政績錄第八之七

民陳正興請試採泮水鉛福慶許之至明年無成效

復封閉十三年福慶去孫玉庭繼之

洪亮吉字君直一字稗存江蘇陽湖人乾隆五十五

年進士第二人授編修七月充

國史館纂修官五十七年八月充順天鄉試同考官

尋提督貴州學政故事未散館無為學政者有之自

亮吉始五十八年朝議歲科試輸出五經題貴州士

子以禮記卷帙繁多不讀全文惟記其可出題者

吉以陳澧所著禮記集說多未備欲改用鄭注乃上

疏曰本年貴州歲試五經內輸出禮記臣按視諸郡

偶出題避尋常所擬諸生百人多未讀全經即有誤者亦茫然不知其解臣推其故蓋因陳瀚所撰禮記集說自永樂以來始用之取士能本為科舉計凡遇可出題之處注解畧為詳明其餘率皆調劑是以士子無所遵循十三經正義現列學官漢儒鄭康成所註禮記最為詳明即

上欽定禮記義疏亦云精奧無如鄭注且陳澧集說其詳者皆採取鄭注其畧者即自以意為刪改是用鄭注則集說之精華已備用集說則昔賢之精華半淪臣接到部咨春秋已改用注疏有志讀書者莫不踴躍欣爭自磨勵若禮記改用鄭注使諸生通曉全經兼明五禮似於學校有所裨益疏入格部議不行

貴陽府志

卷六十八

總部職錄第八卷

三

修撰繼之皐以十二年去順天大典錢學彬以戶部員外郎繼之學彬以十五年去石門胡枚以戶部主事繼之枚以十八年去江蘇山陽李宗昉以左庶子繼之宗昉以十九年去湖北麻城程德楷以編修繼之德楷以二十一年去河南張輜以吏部員外郎繼之輜以二十四年去江西裴元善以編修繼之元善以道光元年去浙江成人鏡以右中允繼之人鏡以其年去江蘇太倉錢寶琛以編修繼之寶琛以三年去程恩澤繼之附錄洪北江先生年譜五十七年壬子差引見蒙記名八月充順天鄉試同考官十四日又在開中奉祝學貴州之命向劍未散

貴陽府志

卷六十八

總部職錄第八卷

四

採用馮亮吉所取士多知名而以翟錦觀為最著又巡歷諸郡知其山川乃集古證今作貴州水道考六十年去學政任嘉慶十四年卒亮吉去談祖綬繼之祖綬浙江德清人以戶部員外任以三年去江蘇長洲彭希濂以刑部郎中繼之希濂以五年去湖南長沙周鏞以吏部郎中繼之鏞以六年去浙江蕭山陸以莊以編修繼之以莊以九年去江蘇金匱顧皋川

館翰林無為學政者有之自先生及同年石修撰玉始蓋異數也九月榜發得士董履坦等十三人請希齡等二人即日召見聖訓即蒙召見

堂皇評騰試卷積弊悉除又應請府持其尤者迭

貴陽府志

卷六十八

總部詳錄第八卷

五

入貴陽書院肄業一歲通滿俸資百金助其省火... 必東西列亭下唱歌以荷包及銀稿之方去黎平以

辰使隨圖奏婦卯定八即耗甲十舟二五五獅歲... 州談行雲聲回正遵并行署秀九二府月月子科崖并試

貴陽府志

卷六十八

總部詳錄第八卷

六

州伯家弟太龍見公事出... 之生時不其研難其守疎務子夫外鄉閩貴奉舍州

人則里慕甚淳故徒乃村晉類然日家本日昇先音... 思皆終日孝子不食客中途不雙焉常居謁錢擔袁技於

上元致訓先生詩有奇氣  
公致訓先生詩有奇氣  
後景仁卒如龍泉太阿朝書  
自西安日孤其篤於百往以  
其親撫其入京師友誼也如  
先生於高齋總司校讎之事  
芳出厚輦吳錫麟張頊高宗  
國治年舉順天鄉試越十年  
於治年舉順天鄉試越十年  
修允三經國史館纂修會石  
字多偽七俗為書上總裁欲  
也五十七年命充總裁欲更  
貴州生與石公隴玉集散館  
簡畧者即自以意為刪改其  
陳畧者即自以意為刪改其  
簡畧者即自以意為刪改其

貴陽府志

卷六十八

總部政績錄卷之七

已備用集則昔賢之精華  
舉起見不為士子循循也  
惜之時餉仁黃石鄧起事  
在軍營先往復高力也  
省藏書七月復充也  
上書房先行侍充也  
詹諸臣先走侍充也  
千言暑胃不謂邪興由  
者慮肩高不謂邪興由  
一起分書高不謂邪興由  
靖先得生閣高不謂邪興由  
不龍徒言閣高不謂邪興由  
朱公廷左言閣高不謂邪興由  
擬斬吉落左言閣高不謂邪興由  
詩五經釋回師者先生以未及三  
次未經釋回師者先生以未及三

甘霖同大沛非將原書裝成卷置於  
上甘霖同大沛非將原書裝成卷置於  
日書時與陶賀先生補作伊華不測等  
而登門與陶賀先生補作伊華不測等  
環集張問邑趙兵備無等唱酬無間  
自是與同邑趙兵備無等唱酬無間  
莊大與同邑趙兵備無等唱酬無間  
歸萬里外因別號曰更生性尤喜導  
越問備極餘之樂曰嘉慶十四年卒  
四初先生之在畢沅朱筠幕中與長  
再念孫歸安與蘭庭武康高文照等  
及說文玉篇以故於經深春秋以六  
史精地理所著有左傳話二十卷公  
二卷六書轉注錄八卷漢魏音四卷  
疆域三志共二十二卷國志十六卷  
貴州水志考三卷乾隆府志卷之六  
更生齊集十六卷而所修府州志及  
貴陽府志卷之六

貴陽府志

卷六十八

總部政績錄卷之七

不與子倫孫以舉  
人官知縣有父風  
孫玉庭山東濟甯州人以進士起家嘉慶十三年授  
貴州巡撫十四年去許兆椿湖北雲夢人以進士起  
家嘉慶十八年四月授貴州巡撫十九年去曾煥江  
西南城人有文名以進士起家嘉慶二十年授貴州  
巡撫煥與玉庭兆椿撫貴州皆有惠政煥存好士名  
而紀載缺畧當取三人家傳以補之貴州文獻多缺  
雍正以前猶有滿漢名臣傳及貴州通志以紀名臣  
事蹟乾隆以後則缺漏尤甚不止三人也下庭之夫  
也滿州正黃旗鄂雲布繼之十六年鄂雲布去廣東



連平顏檢繼之檢以十七年八月去滿洲正白旂景  
敏繼之景敏以十八年四月去兆椿繼之兆椿以十  
九年去滿洲廂黃旂慶保繼之慶保以二十年六月  
去燠繼之燠去滿洲正紅旂文幹繼之文幹以二十  
二年去安協涇縣朱理繼之理以二十四年去山西  
汾陽韓克均繼之克均以是年八月去雲貴總督伯  
麟署任伯麟以十月去滿洲廂藍旂明山繼之明山  
以道光二年七月去布政使糜奇瑜護印奇瑜以十  
月卸事滿洲正藍旂高孚繼之高孚以三年四月去  
程國仁繼之五年二月國仁去繼之者為滿洲蘇明  
貴陽府志 卷六十八 總督政績錄第八十七 九

阿蘇明阿以六年三月去滿洲嵩溥繼之  
嵩溥滿洲正藍旂人以廕生起家道光六年三月授  
貴州巡撫十一年五月十五夜大雨水沒甲秀樓之  
半壞城垣房舍及浮玉橋嵩溥先發穀賑之而後奏  
聞七月

詔免貴筑去年被水糧九月嵩溥

陛見以布政使慶麟護印十二月十二日調貴州兵征  
臺灣賊麟慶奏自嘉慶五年至道光六年十二月共  
收捐監銀三十三萬五千五百五十兩其解部者二  
十三萬四千一百七十兩貯藩庫者十萬一千三百

八十兩又自道光七年二月至十二年十一月收捐  
監銀七萬三百八兩盡貯藩庫計貯庫銀共十七萬  
一千六百六十八兩查貴州藩庫原貯銀三十餘萬  
因軍興用盡今將此項填補尚少十六萬九千三百  
二十二兩俟陸續收捐按年補足又十二月內報捐  
監銀千八十兩十三年二月嵩溥至自京師十四年  
嵩溥去滿洲廂紅旂裕泰繼之裕泰以十六年七月  
去湖南善化賀長齡繼之長齡以二十五年遷雲貴  
總督湖北孝感喬用遷繼之現任巡撫  
糜奇瑜四川秀山人以舉人起家道光二年十一月  
貴陽府志 卷六十八 總督政績錄第八十七 十

授貴州布政使七月護巡撫印貴州每鄉試必修貢  
院其材木皆取辦於貴陽貴筑官發價以買之率為  
胥吏所扣刻木商不願與市乃派買於里甲而扣刻  
益甚至無價以給鄉保又攤派木價於田糧合運至  
城中其腳價皆民自備胥吏索賄不遂以為不中程  
式驗換之令再運民以重費故皆納價及其腳值於  
官每鄉試年追呼甚於正供奇瑜令府縣發價於城  
中買辦而禁其派買民間如釋重負立生祠以祀之  
奇瑜以四年四月去吳榮光繼之榮光廣東南海人  
以進士起家道光四年四月授貴州布政使嘗勸民

樹桑育蠶五年去滿洲富尼揚阿繼之富尼揚阿以

六年十月去山西高平祁碩繼之頃以九年四月去

按察使何金署金以十月去滿洲正紅旗鄂順安繼

之順安以十一年去山東曲阜孔昭虔繼之昭虔以

是年去按察使李文耕署任文耕以十二年四月去

滿洲鑲黃旗麟慶繼之麟慶以是年去文耕復署文

耕以十三年十一月去蒙古正白旗額騰伊繼之額

騰伊以十七年二月去慶祿繼之

程恩澤字春海安祿縣人嘉慶十六年進士散館

授編修道光元年充四川正考官道光二年提督貴

州學政遷侍講轉侍讀貴州設鄉關已二百餘年又

以道遠會試中式易於他省歲有預館選者以故科

甲之盛不減於地內士子進取心銳除講義程文帖

括外雖有經史教者多不以之教學者以為妨進取

亦不讀書肆所需五經率皆刪節無全本至於古注

疏則絕無士流有不知經史名目者恩澤至力救其

弊宋岳珂所校五經極為精備

內府有其書而未完

高宗純皇帝購求得之

特置五經萃室以貯焉

高宗純皇帝購求得之  
特置五經萃室以貯焉

命儒臣重加勘校而以

御製五經萃室詩冠之其本絕善恩澤得其刊本重刻於

貴州貯板於貴山書院使士子知五經其本又多按

取通經能文之士皆貫通經史善作詩文卒為知名

士西洋夷國映咭喇據印度以其地產阿芙蓉英夷

採其實和以枯骨汁熬為烟名曰鴉片雍正時中國

人頗有吸食之者其烟能祛風寒小病可以夜坐久

食之則凶刻不能離人皆黃瘦飲食倍多不能事事

職業荒廢甚者不能男女生育維難偶缺乏則鼻涕

出久則病死而烟值頗昂一日吸烟之費可供十日

貴陽府志 卷本八 總論 七 十三

食用貧民吸食者以不能繼故百無一生至嘉慶時

吸食者益多雖荒村蠻壤深閭女子無不以為美

燕客無是物則不歡道光初貴州民亦種阿芙蓉而

吸食者益多矣恩澤恐士子吸食乃效場屋中四書

文體作示以戒之按都勻平越見橡樹成林嘆曰貴

州處處可養山豈獨遵義民以此致富何無人以教

導之也乃為序以紀其事更作育蠶十詠曰種樹曰

密爾曰春放蠶曰秋放蠶曰啟蠶曰移枝曰煮繭曰

上機曰利無算曰永不稅布政使具榮光見之遂與

按察使宋如林勸民育蠶語具榮光如林錄五年改

按察使宋如林勸民育蠶語具榮光如林錄五年改

右庶子遷侍讀學士六年差滿提督湖南學政還京  
充春官左傳纂修官補國子祭酒九年丁母憂去服

闕入南書房十二年充廣東正考官十二月入直  
上書房十三年遷內閣學士十四年授工部侍郎十

五年調戶部右侍郎充

殿試讀卷官閏六月解

南書房行走十六年復充

殿試讀卷官十七年充

經筵講官七月卒恩澤去浙江許乃普以編修繼之許

乃普以九年去胡達源繼之附錄戒生童吸鴉片烟

貴陽府志 卷六十八 總部錄第八十七 志

於酒者百天其一溺於色者十天其一此皆求饜於  
石性猛誤於服食者亦十天其一此皆求饜於  
而得之數踰於生相死相戒相不戒然果有飲鴉  
相樂相威相相以生相死相戒相不戒然果有飲鴉  
湯火相白刃以生相死相戒相不戒然果有飲鴉  
已矣故凡戕害人之物有鴉片烟者泰西  
窮中國之命矣夫戕害人之物有鴉片烟者泰西  
之財而不知悟也夫戕害人之物有鴉片烟者泰西  
用也而不知悟也夫戕害人之物有鴉片烟者泰西  
用也而不知悟也夫戕害人之物有鴉片烟者泰西  
口富者饜之可也夫戕害人之物有鴉片烟者泰西  
害莫引於饜之可也夫戕害人之物有鴉片烟者泰西  
牽引於饜之可也夫戕害人之物有鴉片烟者泰西  
也何中人以欲斷之而不自克也夫戕害人之物有鴉片烟者泰西  
尤物也何中人以欲斷之而不自克也夫戕害人之物有鴉片烟者泰西  
人而生魂魄精爽得肉相契化而為鳥食草與九蟲相

結九盡得志而日益久或吸者不吸則動  
已乃盡變易其心而始者或吸者不吸則動  
內皆盡變易其心而始者或吸者不吸則動  
卿明其弟婦不能戒其夫者持火不仁也  
能戒其弟婦不能戒其夫者持火不仁也  
噪其為鴉羽湯火不即戒其夫者持火不仁也  
也其省之窮也此送死之具是積於不仁也  
單生之蓄而為儒者棄父之母之積於不仁也  
猶得人狀而日與吾父之母之積於不仁也  
酒者不返吾父之母之積於不仁也  
解人之不悔心則解之不可得也  
倍之不龍盪不可得也  
殺之不龍盪不可得也  
人絕不天教之難也  
者泰越之人皆流涕馬況使有飲鴉羽者  
諸應童子試者能一聽之否  
貴陽府志 卷六十八 總部錄第八十七 志

諱恩澤子雲芬一字春海程氏東晉時有為新安  
守者自篋中取遺書進士第人曾和筠祖上方  
員父昌期乾隆庚子進士第人曾和筠祖上方  
走翰林經傳俱成誦尤好讀書疑必反復難  
異甫快心於學無所不覽且能實事求是故  
然也嘗見賞於先達卒於任公甫十歲如隆  
十年歸學士視學於山東卒於任公甫十歲如隆  
先年益力學於山東卒於任公甫十歲如隆  
九生以貢人博而精居八年所成進士  
志六年甲寅命翰林院庶吉士散館授中書  
元二命翰林院庶吉士散館授中書  
屋集是年充初集坊右庶子冬補學士林院  
轉御製詩充初集坊右庶子冬補學士林院  
湖南學政五年補春坊右庶子冬補學士林院  
監祭酒九年以候夫人祭酒未與考奉  
南書房十二年以候夫人祭酒未與考奉